



洛如詩鈔第四卷目錄

短歌行 四言古詩馮幼
若倡錄九首

陽月小集畊廬以棗圃落青瓊瓜畦爛文具為韻 五言

古錄
二首

仲冬朔三日陸坡星招集陸堂咏寒松 試帖體
錄六首

擬古今樂府四十三首

同聲歌
於忽操

遠遊篇
秋胡行二首

豔歌行
白紵舞歌

烏栖曲
龍笛曲四首

採蓮曲
宮引

商引
徵引

朱鷺
苦鷺

折揚柳 二首

臨高臺 二首

關山月 二首

雉子斑 二首

野田黃雀行 二首

猛虎行 二首

太行路 二首

筓篔簹 二首

賈公問 二首

自君之出矣 二首

隴頭水 二首

昇天行 二首

二蟲 二首

三峽歌 二首

梁家守藏奴 二首

冬暖行 二首

青樓怨 二首

宮詞十三首 五言律

昭陽三首

連昌三首

延福三首

萬壽四首

鷹窠山觀日月合璧 五言古錄三首

集潘今屋西濠煙舍分賦黃梅 試帖體錄三首

珠樓寒月 七言律陸淳川倡錄二首

寶峰探梅 七言古陸藻亭倡錄四首

鸚鵡湖踏春 七言律陸坡星倡錄四首

丁亥孟春下浣葉待堂招集鏡閣賦春草 試帖體錄八首

和梅宛陵四禽言 長短句錄十四首

子規三首

提壺三首

山鳥五首

竹雞四首

蘭十首 七言律

同心蘭二首 七言律

洛如詩鈔第四卷目錄終

洛如詩鈔第四卷

小長蘆

朱

彝尊

竹垞

選

短歌行

馮幾

歌當鼓缶飲當濡首蟋蟀在堂春華秋杳
閱水成川閱人成世恨無長繩以繫羲轡
憂心孔疚鑿圓枘方蕭艾為佩椒蓀不芳

陸奎勳

乖龍流涎燒燕入海有慾則馴死為脯醢
一七上藥可支骨朽千頃澄江不澣心垢
砭詩有鸕譚空有雞生不見日鳩鷓敢嘯

葉之溶

化鵬水擊食蛤天遊此志得展安用驂馱

擁膝抱牒。不如斲眠。倚馬矍鑠。損其天年。
嚶嚶鳥鳴。可以悅耳。心遠地偏。我哀之子。

易月集畊廬以棗圃落青瓊瓜畦爛文具為韻

沈昌祚 得畦字

楓飛千山澀。菊落三徑淒。捫心少歡趣。仄耳多酸嘶。長鬚款
衡門。投我以赫蹏。上書晉陵某。詰朝遊瓊溪。興勃不暇懶。客
來相與西。叩戶日卓午。披帷星聚奎。禽聲諧鐵馬。竹影排簾
犀。吻端吐繡虎。腕底走怒猊。作伎靡不精。隸事皆可稽。美哉
風雅主力。振詩壇。擊須臾命。燃燭環坐。氣如霓。青螺浮紅汁。
冰盤堆霜臍。佳人清且揚。雙雙搖翠鏡。左手藏玉鈎。右手擎
偏提。雖不勝杯杓。亦自甘取攜。銅龍滴何頻。膠膠起鳴鷄。突
咬風生竅。霧霏雨沒犁。余本無裛民。竊慕阮與嵇。窮途安足
悲。物理固難齊。苟得通達名。速營糟丘榭。蒙莊不云乎。姑且

無町畦。

陸奎勳 得瓊字

凍雨颯然至。跳瓦萬珠璣。萍翻魚忽躍。竹折鳥亂飛。主賓互
酬唱。晚色來霏微。良會亦天假。孤芳與世違。紅顏如春花。含
睇生光輝。銅槃澣燭淚。既醉復何歸。情多風絮颺。興盡露草
晞。神巫莫我測。示以衡者機。

寒松

潘應奎 得得五歌

亭亭天目種。生性迥寒多。離立存三徑。鬱蟠老一阿。雀巢風
墮頂。龍臂雪崩柯。壽色看無減。陳根歷不磨。相依惟恠石。所
惹是煙蘿。不作丁公夢。青年悔已過。

陸奎勳 得得二冬

層陰將作雪。落落撫長松。宿釀攜三徑。危巢掛一峰。支離畱

我相爛熳失春容。石瘦釵痕折。蟾孤蓋影重。青門香搗麝黃。海翠粘筠。濤響翻銀漢。風高戟玉龍。竹君心未實。梓子禮空。恭。雀語寒尤甚。秦官且莫封。

葉之淇 枯得 十二侵

萬木凋零盡。孤松挺百尋。冷雲埋不沒。積雪暗相侵。幹古屈如鐵。髯蒼老作針。平添塵外致。自保歲寒心。夭矯干霄漢。離奇起碧潯。朔風來嶺上。處處有龍吟。

沈 壘 枯得 九佳

種得徂徠木。龍鱗樹樹皆。絲霜不改葉。溼翠正當厓。石磴黃欹蓋。苔茵碧墮釵。濤聲寒刮耳。雲意淡窺齋。掃徑清陰滿。哦詩小立佳。後凋真勁質。百卉豈同儕。

陸載崑 枯得 一先

稜稜鐵作骨。衆卉耻爭妍。屈曲淡藏澗。森疎直上天。形模龍額逆。音韻鳳吭圓。介石貞心在。凌風晚節堅。五株原自異。三友獨居先。妄欲干雲呂。孤松寄短篇。

李 旭 枯得 八庚

相對支離叟。偷然不世情。疾風搖翠蓋。徹夜捲濤聲。珀化千年質。鸞飛百尺莖。參天原突兀。卧雪見廉貞。哦處龍鱗老。譚時麈尾輕。素心梅與竹。莫負歲寒盟。

擬古今樂府四十三首

稱詩之衰也。務以七律代羔雁譚。及樂府。輒不免向若而歎。以故性真。汨沒舉凡。清濁長短。高下天地。自然之元音。末由領悟。於語言字句之外。仲冬朔三日。雅集陸堂。得樂府如干首。自漢魏迄元明。諸體略備。亦往往肖其神。月泉玉山而後。庶幾泱泱大風矣。栽松道人真衛序。

同聲歌

擬張平子

沈峽

鳳皇解谷中。六六雄雌鳴。感斯靈匹性。叶於微軫聲。結髮字君子。蹇脩諧良盟。贈報永為好。錦繡瓊瑤英。娟娟夜光月。三五蟾兔盈。皎皎青銅鏡。合歡形影并。習禮由正坊。明詩寫婉情。周南歌關關。樂府弁房笙。

於忽操 擬鹿門龐公

陸奎勳

於忽乎不可以為其又奚為。羊腸九折坂。車輪為之摧。負伯桃之死友。非有娥之良媒。彎弧力不能以洞七札。太而服賈錢刀。齷齪熏心脾。讀書四十四萬言。金門臣朔猶苦飢。魚脫水而制螳。鸞鍛羽而嚇鷓。已矣乎。南山之南。北山之北。爽心清泉。礪齒白石。黃農太人不遠兮。吾將以蘿薜而傲睨乎竹

帛

遠遊篇

擬陳思王

馮綫

渺軀寄塵寰。天喬同枯榮。遺芳誰與玩。凌風思上征。澹漠求氣變。神冲形亦輕。青虬駕蜿蜿。逍遙超八紘。乘躡蓬萊島。排雲謁仙靈。朝繼閭風馬。夕聞緱山笙。天閭啓閭闔。仰瞻太微庭。仙人列金闕。天女侍瓊楹。玉宮桂未落。瑤草呼龍耕。迴車遇赤松。長跼叩丹經。贈我三芝秀。補腦延脩齡。餐我若木蕊。吸我沆瀣精。湯谷沐我髮。銀漢濯我纓。舊鄉一臨睨。煙籠九點青。霧氛蔽億兆。擾擾何時清。

秋胡行二首 擬嵇中散

沈壖

舉足太行山。嶮巖不可攀。馬煩車殆。行路良難。鵲啼沁血。虎

飢流涎。歸休匿影。轉危為安。歌以言之。舉足太行山。
詩書乃為榮。所益在性情。温飽喪志。懷安敗名。六籍可漁。寸
田可耕。挹彼夕露。餐此秋英。歌以言之。詩書乃為榮。

艷歌行 擬劉文獻

陸王孫

的樂明月珠。含暉滄海中。木難龍腦孕。赤蚌金精融。一朝置
路衢。賤與魚目同。可憐不夜光。按劍心矜矜。善鬻夸賈胡。象
罔爭言功。何時歸合浦。灼灼珊瑚叢。赤鯉為我媿。青鳥為我
通。淡貯琉璃匣。淺映菱花銅。寒如火齊暖。炎作招涼風。寄言
漢臯女。結珮永無窮。

白紵舞歌 擬鮑明遠

馮幾

華袿裁雲響。明璫皓腕輕。舉飄若芳乍往。忽來影低昂。裙搖

腰轉迴風香。歌珠一串繞雕梁。遷延含睇紆清揚。願君歡樂
惜流光。

烏栖曲四首 擬梁簡文

沈峽

沉水香燒金鴨鑪。雙鸞帳額四圍珠。倚牀卷衣學秦女。鬟溜
玉釵嬌不語。
綠螺一斛銀屏揭。眉蹙兩彎鬪新月。侍女熏籠趁落暉。新豐
市裡醉將歸。

張培源

朱絃十九彈清商。月規半射羅幃涼。枝上烏嗁嗁正急。妾心
輾轉百憂集。

錦機織就相思字。千里玉人音信至。金雀銜珠串串雙。紅蟲
倒綴蘭花缸。

龍笛曲擬梁昭明

陸大復

高樓橫玉清如洗。聲引龍吟出潭底。未終一曲風四起。風四起。怨落梅。鳥叫噪雲低。徊。

採蓮曲擬昭明

陸大復

採蓮桂棹盪晴浦。翠葉紅襟爭媚嫵。空房各抱中心苦。中心苦。倩誰憐。莖雖斷。絲還連。

宮引擬沈休文

陸邦揆

五聲倡始中央宮。統御四子君道同。溫良廣大感而通。

商引擬休文

陸邦揆

金祗乘兌叶素商。承宣奉職理陰陽。萬寶告成樂未央。

徵引擬休文

陸邦揆

中和既備奏清徵。纁夏盛大行將止。孔多庶績咸就理。

朱鷺擬王蘭陵

陸邦烈

朱鷺淺灘戲。熒熒流火迷。偃絲曲沼瞰。揭趾圓沙棲。瑞叶赤鳥竝。光凝丹鳳齊。楚邦舞庭院。漢代飾鼓鞀。刷羽日相映。輝煌駭鳧鷖。

芳樹擬丘希範

邵嵩

芳樹入春艷。空庭正離離。上棲比翼鳥。中結連理枝。葉密淑風度。花繅清露垂。難為隴頭寄。相對徒相思。

洛陽道二首

徐穆

沈修齡

遐菴

冠蓋滿洛陽。縱橫遊俠場。朱纓調馬埒。赤羽鬪雞坊。酒肆魏公子。雪園梁孝王。至今車騎客。誇說姓名香。

劉仔鉅

二十冶遊郎。千金上洛陽。澗池流不盡。伊闕屹相望。戲馬三條市。投梟五木塲。督郵不敢問。問者吹劒鉞。

紫驢馬二首

擬張見贖

沈修齡

蹀躞五花紋。霜蹄欲躡雲。駿能從穆滿。生得市燕君。香柳王孫店。石榴美女裙。月顱嘶不定。歸路日西曛。

陸邦揆

月額玉翻蹄。王孫控大隄。連錢花內外。索酒市東西。着意調

金埒含情惜障泥。銀韉橫寶劒。提策主恩齊。

折楊柳

擬江總持

邵嵩

楊柳何青青。悽然獨攀折。葉如鸞鏡。花似雁門雪。春樹枯復榮。儂心解還結。迢迢萬里情。睹此恨離別。

臨高臺

擬王子安

陸邦揆

臨高臺。振衣乘興來。摩天駭尺五。拔地超塵埃。星向画樓摘。雲從雕檻回。歌新曲。酌舊醅。仰首長嘯竒。裊開聲撼半空日。西墜羣山爭應喧。欲頽蒼茫碧海波。不作蛟龍穩臥藏風雷。及時行樂得我所。何勞穿鑿擬蓬萊。君不見姑蘇矗起三百丈。俯瞰太湖一蠡杯。又不見古鄴城西鑄銅雀。樓閣相望鬱崔嵬。美人死後化灰燼。千秋霸圖安在哉。

關山月二首擬盧昇之

陸升爨

萬里龍沙月。同時照故鄉。夢牽歸去路。砧擣別來裳。影亂渾河雪。光涵木葉霜。遙憐閨裏婦。愁與夜俱長。

葉之溶

戍兵玄菟郡。月出歛征魂。黯黯含金岫。荒荒下玉門。鳴弓弦欲暈。擊斗柄初昏。滿耳笳聲咽。鄉園不可論。

冬宵引擬宋延清

劉宸調九一字松齋

蓮漏滴水水半乾。佳人羅袂中宵寒。燭花迸淚堆銅槃。淒涼錦瑟聊一彈。一彈再鼓微風入。昨夢隴關雪飛白。蕩子征衣綻不縫。空閨日夕聞刀尺。

雉子斑擬太白

陸邦烈

雉子斑。文如織。麥漸漸。初奮翼。丹砂高擁冠。錦綵細攢臆。好戰花畔雄。驚媒草中匿。稟性耿介矜矢直。寒柯寧死莫爭食。朝夕下上挾雌行。未肯如臯媚妖色。

野田黃雀行擬太白

陸世未

東飛百勞西飛燕。黃雀不識春光面。涼秋九月稻子肥。野田黃雀群飛飛。今歲農家食不足。黃雀來時田無穀。但願東海不生波。微禽遑惜投罝羅。

猛虎行擬張文昌

陸時杰

蒼藤挂木白日昏。嶄崑密箐腥風翻。於菟一吼山石裂。青兕辟易黃羆奔。雙目礮礮弭耳伏。忽躍高岡旋溪谷。麀獾狐兔

安足論攫拏當路甘人肉平生殺物不知紀
俵鬼前導彪後尾山靈相爾罪貫盈
獵徒機穽排眼底黃間勁弩洞汝胸
錦斑摧落山前死

太行路擬香山

葉之溶

峻不在太行千仞山平地一蹶難躋攀
險不在黃河千萬里尺水却有波濤起
蒿藜荆棘得長生桂柯摧折香蘭死
妖氛鬼雨吐蛟涎乖龍叫嘯危石底
蕭條原野絕爨煙山魃啖人山谷裏
悲來平行路難楊朱泣岐阮泣窮
酸風四起塵漫漫長饒杜老七歌發
歸來兒女空相完君不見行路難

筮篻引

擬李昌谷

邵嵩

願公無渡河渡河風濤多風濤猶自可
下有狂蛟靈鼃鼉被

髮奔流孰汝崇提壺難灌陽侯屍浮白齒齧骨入黃沙枯
公平公乎去此將焉如妾容不及江妃娣魂沉甘為比目魚

賈公問貴壻曲

擬昌谷

陸升爍

男兒焉讀書貌美可作壻冶容隸青瑣暗惹紅閨嬖情香澀
鮮衣香酷碎人腦夏要阿耶聞溫柔定長保靈犀一點春包
含太傅室韓賈妖骨枯典午忽兮沒

自君之出矣二首

擬張承吉

李旭

自君之出矣木葉下庭秋月娥寒共語不願嫁牽牛
自君之出矣漏壺滴心碎白石險化身紅冰暗凝淚

隴頭水

擬羅昭諫

陸載崑

匹馬渡隴頭。驚心水聲切。沙飛秋笛昏。雲重莫笳咽。遊沫喧
四垂。危磴怯九折。西流不向東。淚滴征人血。

昇天行 擬僧齊已

葉之淇

紫府仙人宴樓閣。遠引琅函飛白雀。虹霓千尺駕金梁。十二
欄杆皆玉削。淡衣童子啟紗窗。丁當細響搖珠箔。拂拂清風
仙袂飄。揮揮塵尾天花落。授我珊瑚散。金丹兼滿握。被我翡
翠裘。冠之以瓔珞。麻姑為我晉瓊漿。月姊踰躑舞霓裳。飛鳴
六六鳳。與凰鈞天廣樂聲。齊張烏龍書。臥碧潭底。夜光每向
波中起。群仙送我海門東。羲和浴日彈丸耳。但恐令威歸去
城郭非。雪浪雲濤跨紅鯉。

二蟲 擬東坡

潘應奎

君不見壁鏡兒。眼孔何不大。牢牢一生錢裏坐。子生安得保
無破。又不見蟬魚。日夕耽經笥。可憐今古味不休。至竟胸中
無一字。二蟲心性底。樣痴錢愚書淫老不知。

三峽歌二首 擬放翁

陸載霍 亞濤一字西漢

削翠瞿塘峙一門。巫雲釀雨易黃昏。孤舟那有風流夢。猿嘯
三聲已斷魂。
鷺子尖尖上水撐。鉤輶叫斷若為情。新灘過後愁津吏。不付
紅籤不放行。

梁家守藏奴 擬楊廉夫

葉之淇

將軍三萬戶。驕暴縱奢侈。無厭索閭閻。人母陷藏婢。跋扈嘗
弒君。渺哉孫郎死。奚不從所欲。斬此白與紫。噫吁嘻。守藏奴。

真堪涕試看襄城君妖態誰能擬鉗忌將軍寵憚之啼妝應為秦宮美

冬暖行擬劉誠意

張培源

去年小春月雪淞飛滿庭今茲屆小寒黃蜂逗疎櫺黃蜂愛暖故遲留年少醉典青兕裘莫謂天公常爾爾倏忽尖風吹裂拍

青樓怨擬高青丘

沈垞

儂家本是青樓女夢中蛺蝶風中絮一朝相識遊冶郎同心梔子合歡牀流蘇百結生網塵崔徽病久春無春薔薇花開今幾度咫尺天涯不迴顧

宮詞十三首

邇來宮體率以七律七絕擅場陸堂叔限作五律非求新也太白之宮中行樂少陵之宿昔能画劉雜詩節短而

音長言近而旨遠與其曠效時賢何如步武前哲邪

昭陽

陸奎勳

一燕能傾國盈盈禍水來但縣如月帳不上避風臺金餅頻窺浴香膚竟絕胎豈綠雉雉集宮寢欲生菜

葉之淇

重檐塗翠羽複壁綴琅玕帝子連宵宴佳人永夜觀橫陳琥珀枕肆射水晶盤何似婕妤扇團團怨合歡

劉虹

漢宮誰擅寵第一數昭陽照曜疑無夜溫柔故有鄉湯煎紅豆蔻襍繡紫鴛央辜負司書女能為禍水防

連昌

沈唼

千葉風桃動。苑牆紅欲流。三郎催羯鼓。半夜咲牽牛。兒是平盧使。奴為曲部頭。宮街雙燭開。不復記韓休。

陸升爍

花木暗連昌。深宮歲月長。錦綉調軋犖。玉邃帶寧王。泉暖誇新浴。雲嬌銜晚粧。佛堂梨一樹。愁絕李三郎。

張培源

樂事翻成恨。何如戒色荒。宮花銜鹿嘴。蕃馬突漁陽。萬里行匆促。雙星誓渺茫。舊人俱白髮。忍唱荔枝香。

延福

沈 嶽

七聖凝旒後。紅雲捧汴州。珍奇供貫面。燕好有喬劉。艮嶽仙人起。神經教主收。樂遊端邸慣。踐祚夏風流。

葉之溶

五位爭誇巧。宮成淑景暄。禽魚克禁掖。花石半郊原。縱酒迷長夜。觀燈徹上元。神仙何處是。差勝玉津園。

劉仔鉅

延福五臣構。宣和卒歲娛。安妃粧自淡。學士拜偏扶。椒壁題新句。茶煙繞御爐。傷心苜蓿綠。極目故宮蕪。

萬壽

陸奎勳

躍龍燕故邸。端冕作恭先。銀管標三極。青詞祝萬年。戈矛消枕簟。土木啟神仙。不分鈴山老。腰輿寵獨專。

葉之淇

天極規模壯。鉤陳翊衛深。君王求大藥。內相飽泥金。白雀雲中影。青鸞海上音。步虛當夜半。明月照壇心。

陸升爍

九天銀漏凍吹落步虛來。擗擋延年藥。料量不死杯。秘經妃子諷。夜醮相公陪。莫問朝壇禮。科儀出上裁。

劉仔鉅

萬壽災重建。宮連三殿西。續尋貂帳戲。慣画鳳形批。梵逐閒雲散。鐘敲夜月低。金臺名未列。石馬永陵嘶。

鷹窠山觀日月合璧

沈 峽

奇觀問何所。曰在海南隅。石帆迤邐東。山水鬱盤紆。上有鷹窠頂。臨高瞰重湖。日月龍尾交。陰兔逼陽烏。金光裂萬線。蜃市攢千區。月如雪竇湧。日如丹砂敷。雙丸恣摩盪。電繞雷幢驅。陸離惑紫鳳。睽暘駭天吳。玉女從旁睨。星眸乍有無。凡濁人界人。氣喘不遑呼。斯須日歷月。幽明仍兩都。微身輕一鳥。惝恍奉無虞。扶桑不可卽。言旋筇杖俱。嵐林渺芊漠。衣桁露微濡。

微濡

葉之溶

言渡海東橋。鞭石石流。言登海上山。雲磴紆九折。日出今古同。所見殊有別。十月月之朔。夜起探鳥穴。山中霧迷離。星躔影滅沒。陽烏挂扶桑。金蛇萬道掣。俄焉紅潮中。湧出一輪月。彼往此復來。二丸相衝突。日踞月之背。月棲日之窟。四繞流餘輝。中圓含素潔。如磨摩白雲。紛紛飄玉屑。如鈸敲天宮。無聲咽寒鐵。豁然宇宙開。陰翳散一切。我欲上青冥。捧之入丹闕。

陸奎勳

兩儀含暉影。萬古開群矇。陰精避陽德。臄胸無定容。上冬會龍統。合璧光曠臄。鷹窠本靈窟。九折摩蒼穹。烟橫長牆西。宙動扶桑東。維時漏四下。衝黑搢吟筇。天雞乍曉曉。礮礮騰金

龍義和擎日出。娥阿挾月從丹輪。裏雪魄。表裏俱圓。融化身
 千萬億。蕩蕩琉璃中。蜃氣散為霞。海水倒連空。造物騁奇詭。
 筆舌焉能窮。昔余慕松喬。凝神證六通。的皜山頭白。璀璨潭
 底紅。琳札名可書。無乃非中庸。棄去守聖籍。抗想追儒宗。秋
 陽破陰翳。霽月祛塵蒙。藻浴依末光。寅清亮天工。陋彼逃堯
 者。艸服驕華蟲。燭火徒區區。寧與離照同。

黃梅

潘應奎 拈得八庚

移根真蠟國。破萼待嘉平。梔貌因禪得。鞠裳為道夏。雀疑金
 彈熟。蠶訝蜜脾成。折向銅觚貯。分來鈿盒盛。一般香宛宛。亦
 自色晶晶。小閣疎簾外。昏黃月共呈。

張培源 拈得十四寒

蕭疎添范譜。黃綴粉墻端。竹翠參差賞。茶紅次第看。藥如封

蠟淚花自剖。金丸折向維摩室。簪宜椰子冠。香催新釀熟。影
 戀夕陽殘。伴我吟窗久。山肩聳莫寒。

葉之淇 拈得十三覃

別有橫斜致。常於歲晚探。中央標色正。蓓蕾帶香酣。冷豔依
 苔逕。羅疎寄艸菴。亞枝寒雀顫。蔘影夕暉涵。蜜琢荷花巧。檀
 凝磬口鼻。聞人塗額罷。黃綴鳳頭簪。

珠樓寒月

陸邦烈

四面紅窗豁。遠眸月宵清。興快同遊。雲收蚤見飛林杪。霜淨
 重看炫瓦溝。玉杵涼生偏耐擣。金波凍定亦難流。珠光似此
 誰撈得。為泛仙螺一掃愁。

德衛

檻俯中流四渺焉。凝波寒浸一樓天。胡牀坐處况奇夜。素手

招來又醉筵。皎皎濯于晨雪後。溶溶圓在早春先。酒闌商略
新年事。要把千鐙鬪麗娟。

寶峰探梅

陸邦揆

今年花事乖天工。探春未出東城東。聞鷗浴浪雪皚皚。歸鴉
唳月煙濛濛。梅花得氣先破臍。清真不雜桃杏紅。羅浮風雨
斷管夢。西溪光福慵拖筇。湖涯舊有水仙喬。經營數畝萊蒿
宮。隔浦繞籬栽百樹。凌寒開徧花璽瓏。詎意轉眼歸淨域。維
摩天女色相空。此真香國冥來去。情禪或許吾叅同。鴨頭小
艇挈酒伴。吟獻過午聞疎鐘。

潘應奎

有酒弗飲計亦左。有花弗看真如瞽。何況梅花骨性奇。紛紛
冑與桃杏伍。誤植平泉金谷中。便逐繇華安足取。東皋北望
有精藍。苔枝十十栽瑤圃。邇來天氣頗曠暝。南枝掃落北枝
吐。急呼煙艇翦波去。瘦筇六尺打僧戶。白地光明銀海搖。冷
香沁入吟翁肚。不信縞裳蕊珠仙。竭來為伴黃曇祖。我發此
言或太狂。那不支郎生薄怒。

陸升爍

棋花何必鄧尉山。卽此寶峰亦大好。輒風吹人如酒濃。信步
入邨恣幽討。招提不審誰捨宅。橋名六繆於何考。但見千朶
萬朶蒸白雲。月痕失素霜奪縞。孤標絕俗美人性。掩抑荒邨
破春早。雄蜂雌蜺無韻情。撥蕊挑鬚被花惱。調刁况復妬花
風。零落幽姿同路草。老僧無夢嗅殘香。眼看沾泥慵不掃。化
身千萬家放翁。一塲埋骨孤山老。古來夢花如乞命。今人鑒
賞何足道。

德衛

胸中猶着一恨事。靈均欠識春先花。博山庾嶺近湘沅。空將
 九畹矜高奢。以茲散影太湖窟。罨籬綴石紛如麻。柘邑彈大
 嵌吳尾。兩三枝亦成橫斜。側聞寶舍更幽絕。為數不減逋仙
 家。娵蕊映雪倍娟好。老幹鐵蝕常槎牙。僧人愛花愛其實。傾
 筐有飽黃蜂衙。花亦未遽擺。結習得遇名士苦邀遮。誰能補
 亡命奴僕。差勝爾雅箋蟲蝦。冷香襲襲久待客。野橋進艇聲
 嘔啞。

鸚鵡湖踏春

陸奎勳

迷離一望可憐春。有客攜筇欲問津。蘭渚煙淡花脉脉。柳塘
 風細水粼粼。鷗飛自逐尋詩艇。鸚語遙呼作賦人。記取夕陽
 無限好。醉來微岬紫綸巾。

陸邦烈

新脫冬衣樂事賒。雀王祠外暖蒸霞。橋東續續沽邨酒。硯北
 年年賦落花。幾箇鴨頭搖淺渚。一雙燕嘴啄晴沙。懶殘不向
 春饒舌。欲叩疎籬處士家。

李旭

一鏡空明漾小舟。花時容我醉湖頭。含煙弱柳青堪折。過雨
 遙峰翠欲流。何處軟茵嘶叱撥。誰家高院出韉鞦。殷勤為唱
 嬉春曲。杜宇斜陽莫漫愁。

陸大復

蠟得吳鞵一輛輕。延緣試作討春行。清明寒食愁多雨。燕子
 楊花趁曉晴。隄上台郎驕躍馬。樓頭小婦泥彈箏。東湖亦是
 勾留處。十里銀光看月生。

春草

陸大復

拈得四支

細草冒春池。東風着意吹。不隨野燒盡。偏愛夕陽遲。水慢魚爭出。寒消蝶未知。軟茵拖謝屐。雜珮擊湘籬。渡口濃煙合。庭隅淺碧滋。何須紅豆子。迢遞寄相思。

李旭 拈得十一真

歲序忽驚春。芊絲艸色新。簾葍青欲入。陌上碧初勻。雉雒常霑露。騶嘶不惹塵。祇堪承步履。誰耐作車茵。細雨愁中路。斜陽夢裡人。王孫曾有約。歸思莫逡巡。

劉仔鉅 拈得十一先

春晴芳草茁。滿地鬱芊芊。極目寒珠箔。關情暎玉鞭。平蕪孤鳥下。野渡夕陽連。少婦多愁思。游人一醉眠。非花常帶淚。無月亦生煙。莫唱蔓草曲。江南綠可憐。

陸時杰 拈得六麻

幾許春風拂。如茵逗淺沙。半篙連水碧。一道繞裙斜。鬱鬱禁微雨。茸茸襯落花。嫩將袍影妬。濃遣燒痕遮。南浦新愁亂。西堂小夢佳。淡閨簾捲處。離緒滿天涯。

陸奎勳 拈得九青

細草含春意。纖茸覆一庭。窗虛寒尚峭。砌曲雨微零。貼水裙腰綠。黏天佛髻青。艷情消別賦。香氣入騷經。幕塵花房暗。飄颻蝶夢醒。龍池新裊露。葉葉吐堯蓂。

潘應奎 拈得十蒸

野燒平蕪盡。經春發又仍。湖邊遊可記。池畔夢何曾。莫使香輪破。須教細馬乘。愛尋惟姹女。不踐是高僧。遠塞鋪千疊。閒田綉一塍。嗟衫渾似舊。染綠愧無能。

陸王孫 拈得十一尤

陌上迎風草。萋萋舞不休。撩人呼醒醉。枉自對忘憂。纖指閒堪鬪。香囊遠莫投。蘸池千頃碧。鋪徑幾叢幽。的的縣清露。疎

疎礙紫驕一分春始到已解綠平疇

葉之淇拈得十
五成

一望芊芊草春來接翠巖煙姿迷遠樹碧色漾輕衫燠日烘
橋堧和風拂石函羊群歸點綴燕子得呢喃入夢俄成句當
窗夏不芟昨從湖上過掩映隔雲帆

和梅宛陵四禽言

余昔效東坡作禽言合鷓鴣于子規附提壺于布穀姑惡婆餅亦連類並見惟竹雞則自成一章待諸君之踴躍擅坵直使都官却步也奎勳拜跋

子規

馮幾

不如歸去不如歸去錦官蜀道迷雲樹棟花風桃花雨梨花
雪楊花絮滿山萬木月明中一聲腸斷嗁春暮

陸升爨

不如歸去江南邨有參天樹弓繳兮暗張羅罝兮密布哀哀

血吻誰見憐子規莫為啼春悞不如歸去

提壺

潘應奎

提壺盧沽濁酒毋使甕頭空不教杯失手豪一石儉一斗招
山翁叙溪友閉戶作鬼飲自卯直至酉男兒須自由莫信婦
人口六籍皆糟粕戀之令骨朽浮名等浮雲棄之如吐嘔曷
若逃空山醉入無何有

葉之溶

提壺盧傾屠蘇酒酣耳熱歌鳴鳴

陸升爨

提壺盧落花飛絮相紛鋪鄰家有酒沽一壺人生不滿三萬
六千日我今不飲何為乎肯邨酒旂扇子大杜卧切當墟小姑招
客坐代數青錢三百箇

山鳥

邵 暘

婆餅焦兒腹枵。新婦把火候終朝。阿婆晏起未嘗口。那顧牽衣厨下號。婆餅焦。

潘應奎

婆餅焦呼兒着膝念蝸髻。爾母本是丹山種。一朝失恃離爾曹。四鳥分飛各無倚。誰為含哺救爾枵。兒言阿母頗領無半菽。路人聞之猶唏噓。何況諸孤非所育。婆餅焦兒額蹙。

劉仔鉅

婆餅焦兒不食。心搖搖。啜其泣。弄晴破睡聲。啁嘲曷不入山採藥苗。

陸升爨

婆餅焦兒勿食。阿婆忍飢死欲卽。歎息年來艱稼穡。一餅已

是黃金直。兒今食之邨再得。側聞翠葆。干江南。萬一蠲租蘓菜色。

葉之淇

婆餅焦婦歎息。無米莫能炊。江魚何處覓。阿婆聒絮兒啼飢。夏有小姑多啾啾。

竹鷄

馮 幾

泥滑滑泥滑滑。其雨其雨行艱確。前邨水溪可奈何。欲濟不濟少舟筏。公無渡河立斯須。巨川有楫凌風發。

陸奎勳

泥滑滑喚竹雞。一跌赤我族。太元可覆醢。惟宗惟莫自投閣。省井尚有風濤作。

潘應奎

泥滑滑馬鳴蕭蕭車聲軋軋登登攀崖得得上北雖則勞趾
猶為坦塗紆梯紆榻我獨畏夫要路之崎嶇而豺虎之負嵎
葉之溶

泥滑滑長途惡雨霏霏煙漠漠山稜石齒復相角鬼嘯狻啼
慎着脚

蘭

沈 峽

曾經夫子操猗蘭千古詩人屬和難芳芷同心供雜佩翠禽
求友傷闌干花開楚畹香無匹色視吳娃秀可餐果是當門
叢穎茁不妨茗椀坐相看

邵 暘

小盞甌蘭品絕佳筍船攜自最幽崖風飄葉似青鸞羽露裊
花如碧玉釵曾記香生燕姑夢尚疑秀發謝公階矮叢不受

狂蜂逼長伴騷人愜所襲
嫩蕊禁寒意若何耻同庭草藉陽和曲江不惜千金價楚岬
空與九畹歌亭憶右軍脩禊好臺推內省貯書多菊前芝後
名相逐休植當門礙短鞵

陸王孫

沅澧空濛積水雲幽蘭何處不氤氳寒消紫苑膏頻滴春迸
蒼厓箭幾分喚作玉難誇共譜綴如珠可結同群越窰盆淺
湘簾護未許黃蜂擾素芬

潘應奎

法華岳上徧春藂入市參差葉覆籠賴是素王絃可弄不歸
正則佩難克全欺宿莽千堆碧夏薄名香一餅紅安得玉賢
纖手握晴窗試與伴吟翁

陸載崑

吟情渺渺落湘潭。一種幽香俗未諳。珮結瓊窗春信杳。膏流
蠟炬夜光涵。綵舟蕩處剗成楫。貝葉翻時榜作菴。為是燕姬
曾入夢。不教護艸占宜男。

張培源

江花江草盡芬芳。蘭葉青青覆曲塘。第一丰姿奪碧玉。幾回
珍賞屬都梁。露滋遮莫騷人佩。風轉居然王者香。可惜開殘
桃李。淡濃祇是倚門粧。
移栽楚畹影。姍姍。辨結同心萼。破檀比艷依稀仙。近水吹香
彷彿玉名蘭。十年臭味何曾改。竟體風流不獸看。自與蘿窗
成密契。從渠百寶護雕欄。

沈堦

細覓山罾與水涯。箬籠珍重寄蕭齋。磁綺石須長供碧杜
紅蘅。故不儕小字。獨互仙子喚分根。以待玉人偕。小牕摘取

香殊勝。插鬢無勞驪燕釵。

葉之淇

奇葩茂葉參差綠。九畹移來傷短垣。雜組漫憐空結珮。孤芳
猶幸不當門。劇知眾草難為伍。轉覺同心可與言。靜裡風光
看未足。素琴慷慨為君援。

同心蘭

陸奎勳

潘紫施黃態未殊。漳蘭新樣茁紗幘。鏤成八瓣花明玉。吸上
雙心露。迸珠添種畱夷情。便減微吟。梔子韻還輸。膽瓶折供
清無匹。祇放滕王蛺蝶俱。

周朱耒

莫是蘭芝與蕙芳。羨伊交頸學鴛鴦。黃輕似翦同功繭。紫淺
疑熏百結香。吟處傷心追楚客。分來纖手想閩孃。神光離合

魂俱斷玉體橫陳夜未央

洛如詩鈔第五卷目錄

恭擬迎鑾曲一十二章 七言絕句得詩二百一十六首
錄三十六首康熙丁亥二月

花朝文讌集陸淮左萬清樓 五言排律限十
二韻錄四首

吟香齋卽席賦雨中牡丹 五律三首七絕三首七
律三首附刊五律六首

竹秋喜洛如諸子同過栽松均用東坡尖义二韻 七
言

律栽松道人
倡錄十首

落花詩四首和韻 七言律錄
一十二首

飲白龍秋水裏李孝廉潛夫 五言小律陸坡
星倡錄五首

新綠 七言律劉松
齋倡錄二首

賦得衛娘髮薄不勝梳 五言絕陸藻
亭倡錄六首

角黍聯句端四日集劉負生三筆六詩書屋

石首魚聯句

代神女宛轉歌 長短句
錄四首

端午竹枝 七言絕 錄六首

憂旱 七言古葉待 堂倡錄二首

新秋得紅字 七言律沈則 三倡錄五首

又得肥字 七言律沈則 三倡錄五首

明河篇 七言古張尊 鄉倡錄四首

月夜過具區望洞庭東西山 七言小律陸坡 星倡錄七首

秋蝶 七言律陸魚 滄倡錄四首

蟬嘲蝥二首 六言絕句 沈醒士倡

蝥答蟬二首 六言絕句 沈醒士倡

洛如詩鈔第五卷目錄終

洛如詩鈔第五卷

小長蘆 朱 繇尊 竹垞 選

恭擬迎

鑾曲一十二章 并序

蓋聞合宮乍闢軒錄無疆衢室重游堯天不老貯命
書於宛委姒禹神功鐫石鼓於岐陽姬宣鉅典莫不
香流汗簡祕闡黃圖日月助其光華山川與為輝映
欽惟我

皇上稟聖生知法天行健巍巍者廣運之德亶亶者敬躋
之修涿鹿消兵越裳貢鳥齊煙九點之外更指分星
周鼎千禩之餘應推過曆茲者軫念河淮爰勤
車駕步金隄而封玉檢

聖人多咨傲之辭觀土銜而問茆檐

天子悉艱難之旨行過邗溝翠帳所在皆春望來茂苑虹
橋其間不夜鷺峰草木挹露生香聖水煙霞畱題入
画臣等海壖賤士社櫟庸材數兒寬之鋤經羨子雲
之給筆師箴矇誦聿徵王道蕩平蟬嘒蛩吟亦助天
心豫順小言雕刻遠媿韓碑下里賡揚願希華祝

沈峽錄二首

桃花春漲大河流天上星源灌九州萬古司空拯溺後
至尊宵旰獨心憂

時幾高唱勅天歌九奏雲璈叶太和萬斛樓船龍伯負
還輕簫鼓汜汾河

陸時杰錄一首

九簷黃繖鎮高擎省罷河堤又省耕天為
六龍巡幸處不教風雨做清明

潘應奎錄二首

繡州城外水如油錦纜牙檣擁翠虬鶴蓋層層高處望
太平

天子坐中流

青青麥隴雉朝飛草淺郊原兔正肥一簇羽林金鎖甲
校場南畔打春圍

陸世耒錄一首

柴乳官哥秘舊窰鬪鷄芳艸話青朝南巡有
詔都停獻能使淳風不讓堯

葉之淇錄三首

遙觀海上九峰尖漁舍花邨颺酒帘青帝亦知迎
萬乘頓教春色十分添

最好湖心四面亭春燈夜靜燦明星堤邊忽見蛟龍舞

三石
口敕諸王晉醪醕

洛女言金

欲答

君王宵旰勞。漫漫天路又高高。而今
翠輦春風下。可賜微臣奏玉璫。

陸奎勳

錄二首

綵山纔慶上元燈。扈蹕千官戒夙興。
龍舸浮來春似海。玉河正月已消冰。

邗溝新柳碧毵毵。兩點金隼滴翠嵐。寰宇太平真有象。
杏花春水到江南。

劉仔鉅

錄一首

五色雲車駐陌阡。不驚黎庶自陶然。東風入耳三多祝。
付與伶倫播管絃。

陸升爨

錄二首

披翎繡帽短黃衣。善射能贏古仗飛。首是
至尊躬儉約。馬頭不許勒金鞵。

名花好鳥有時有。幔閣燈船無處無。但得
六飛親駐輦。東湖應不讓西湖。

劉

紅錄二首

綵仗仙班捧御鑪。笙歌隊隊溢街衢。
君王自愛簫韶奏。不數金閨一串珠。

鞞鞞車騎到錢江。靈鷲僧伽引繡幢。畢竟
天威弘是佛。一時龍象氣全降。

陸邦揆

錄一首

鍾山茂苑氣佳哉。好是西泠鳳帽來。春省承
恩秋賜復。堯衢酒挹萬年盃。

朱丕戩

穀人錄三首

萬姓千官拜九重。忭呼率土盡堯封。我皇不為輕遊豫。命出

慈寧駕

六龍

披圖爭得似親臨

睿慮安全軼古今。無益肯教輕濬築。一時歌誦

主恩深

黃耆踰淮近

御艫歡迎大小翼舟雙。要知

聖主無窮意。特為勤民遠渡江。

陸載崑

錄二首

萬壽筵開萬國賓。天光雲影一回新。玉壺散與金莖露。既醉

歡聲動八垠。

綠欄干外水泯泯。花港春來長雪鱗。翎帽奔騰綠底事。

內廚宣喚打魚人。

張培源

錄一首

西子湖涵

聖澤長。高峰南北翠屏張。亭臺十里花如繡。風暖先吹

御墨香。

沈 塢

錄二首

夾路民人頌德馨

鸞旗半繞柳梢青。江南桃李爭春艷。共樂天清與地寧。

蚤晚江潮颭玉旌。安流無復撼山城。

天家自有朝宗勢。不用三千弩射平。

陸大復

錄四首

海外梯航萬國趨。湛恩何地不沾濡。詞臣擬上河清頌

天子仍披無逸圖

輦路香生細草青桃花水暖漾春萍
御船親見魏貅擁一色黃衣帶雀翎

欣瞻雲日到湖干花下筵開萬姓歡
村野不知王食貴紺芽紅甲獻春盤

夾岸迎

鑾少長咸東風翦翦送輕帆百年問有承恩者
黃絹新裁御賜衫

沈 垆 錄一

翠抹雷峰不露尖三潭春月印摻摻沙鷗雪鷺無驚意
認得黃龍一幅帆

陸王孫 錄二

聞道蛟波靖海門扶桑艷艷吐朝暎
僊洲是處生瑤草

青鳥銜來獻

至尊

珠旗隊隊卓山隈三竺鐘聲紺殿開
莫訝人天都感動旃檀高捧

御香來

葉之溶 集唐句 錄四首

須賀今時

聖主明春風倚棹闔閭城閭門柳色煙中遠
燕雀飛來帶喜聲

張喬

劉長卿

張籍

韓偓

遠愛春波正滿湖青雲依舊是前途
高峰四起迎宸帳萬戶千門入畫圖

雍陶

楊巨源

韋元旦

李白

吳越風光滿

御筵鶯聲不散柳含煙曾過靈隱江邊寺
又泛鴛央水上天

皮日休

楊巨源

包何

譚用之

山帶平湖野寺連。中流簫鼓振樓船。九州四海常無事。願奉

宸遊億萬年。

韓翃

韋元旦

盧照隣

劉憲

花朝文讌

陸奎勳 拈得 七陽

洵有司花者。凌空與色香。罰依金谷醉。遊擬竹林狂。且勿羅
珍錯。誰能負景光。風番梨落盡。春信燕銜將。碧透分佳種。紅
纏助巧妝。俗於是日 剪繒繫樹眉偏惹恨。竟體自含芳。艷想貽江錦。清
聞賭謝囊。披襟雲淡蕩。捉麈玉颺颺。乳點雙甌白。鵝浮一瑗
黃。利交何雜選。宦境太奔忙。擊劍雄心改。研經舊學荒。願言
師老圃。百卉任平章。

張培源 拈得 八齊

綺序俄春半。朋儕集解西。拂檐花欲語。擘簡句爭題。臭味依
蘭室。風流儼竹溪。柳絲拖水弱。杏靨隔牆低。稚蝶踰躩舞。嬌
鶯睨曉啼。無窮觀物態。是處露坤倪。友合標三益。僧能破六
迷。異香縈寶篆。名酒汎頗黎。黯黯燈將熄。明明月可批。劇譚
清似晉。醉態美於嵇。敝屐何妨蠟。疑籤且莫稽。及時行樂好。
雲路怯危梯。

沈 垞 拈得 二蕭

花風吹不了。艷說是生朝。勝地揶筇過。愁衷借飲消。人來新
酒市。梅落舊溪橋。媚景看逾半。芳時樂正饒。茶香初試焙。餠
白也吹簫。百轉鶯吭滑。雙飛蝶翅嬌。園桃爭放朶。江柳故垂
條。雅席開華屋。清談坐綺寮。自憐司馬渴。誰比阿龍超。筆彩
騰霄漢。吟情倚汰寥。對碁娛永晝。翦燭破中宵。舟子催明發。
相思一水遙。余有金 閣之行

陸王孫粘得八庚

菱花開曲徑。樂酒聚群英。節候今春暖。風光此日晴。穀衫初試夾。羅扇已搖輕。茵軟眠由鹿。香濃醉小鶯。霞綃紅灼灼。甸線碧盈盈。潑盞從無限。題襟最有情。鬢奴琴解負。獠婢茗能烹。遠岫樓頭黛。斜暉樹杪鈺。魂消南浦路。歌欠美人聲。祓禊期來月。談諧近五更。燈昏愁蕩漾。簟冷夢淒清。賦手慚潘岳。栽花滿洛城。

吟香齋卽席賦雨中牡丹

陸奎勳

花事屬吾儕。宜晴雨亦佳。膩紅冰結淚。滑白燕飛鈿。竹折都翻佩。泥融有篆牌。暮雲歸悄悄。猶未減春裊。

潘應奎

孰奏霖鈴曲。名花帶恨舒。竹欄扶不穩。油幕護還疎。避客穠姿歛。耽吟艷體除。都籃隨意折。分送與相於。

陸邦烈

殿春開也得。誰爲洗輕氛。泪似橫星靨。珠仍濺錦裊。雲容低不舞。檀暈澀難分。欲近婵娟子。重簾綴密紋。

李旭

無端着雨可憐生。第一花宮枉擅名。十乘文車薰石葉。便教制淚也傾城。

陸載崑

溼透紅欄花。幾莖如仙如夢未分明。最憐低面開檀口。難與東皇乞晚晴。

葉之溶

名花顫雨一枝枝。共抱春愁有所思。從此繡華易銷歇。恰如衣錦夜行時。

陸升爨

沉香亭北舊紅顏。曾沐恩波夜雨間。細膩風光愁裡過。淒涼花信夢中攀。青綾幃小珠含唾。開掃粧成淚滴鬟。約略天晴還報我。莫因零落一齊刪。

沈堦

躡屐來登小畫堂。雨餘潑盞盪花王。細看粉瓣涵珠淚。愁煞檀心閔玉漿。須待月明添好句。欲催春去惜歡場。開紅乞與栽千本。定勝仙人住紫陽。

張培源

雌雨盲風未肯降。牡丹開候恨填腔。幾行別淚啼紅袖。一片閒雲夢綺牕。倒盡醪醕那有匹。驚回蛺蝶更無雙。漢宮若數傾城色。飛燕新居濯錦江。

沈皞日

寓齋以下六首附刊

富貴非凡種。春光出玉樓。花天逢雅集。座客盡風流。幔閣香初溼。檐牙豔欲收。臙脂還未落。莫為霧中愁。

沈岬登

南亭

洛譜名無匹。詩人與作雙。佳游記隔歲。重過艤篷牕。雨屐印苔井。香風迴木杠。向來編小戶。未醉欲先降。

孫眉光

嘯夫

亭亭西洛種。風雨蹴春華。溼處紅苞重。吹多紫暈斜。倚闌初中酒。宿霧似籠紗。好為檀心護。猶堪鬪晚霞。

胡紹安

筆廬

逸客宜今雨。名花壓衆芳。碧滋醒後影。紅洗嫁時妝。艷灑塵無着。霏霏溼不妨。天應愁日炙。畱與夜飛觴。

元璟

借山

國色花爭放。相看雨亦宜。多情向詩客。着意洗臙脂。亭角

濕無語。研邊低一枝。絲華應蚤悟。不在落紅時。

陸竟烈 懶真

艷不稱荒庭。欺春雨故零。封綃愁的的。浴水困冥冥。欲把扶頭酒。誰書度厄經。戎葵得無咲。傾葉太陽停。

丹主人遇甚雨各賦一詩錄于素扇雲散風流傷心俱往其存者遊宦天涯踪跡難合懶真兄有激而逃難髮靈鷲榻來絨詩寄我有全此花時全此雨冷蘼殘粥過堂僧之句于以笑綺序如馳勝游若夢江東步兵之達識不以身後名而易及時盃酒我儕亦愈知嚮往矣丁亥季春下浣陸堂奎勳跋

竹秋喜洛如諸子全過栽松均用東坡尖义二韻

惠 衛

楊花微雨不成粘。春水荒陂似欲添。却有葉舟分翠浪。相隨燕子入疎簾。客容攜釀才彌健。老倦看書語欠尖。且與蒲團支半晌。少治麤糲及齏鹽。

潘應奎

書龕際水坐鉤簾。幽趣能將松竹兼。笑我紅塵猶插腳。多君

白業尚安髯。聲聞酒自何年醉。佛影蔬從此會甜。雨後溪雲旋豁目。海山隱隱露遙尖。

陸奎勳

坐愛溪南老屋添。松聲竹色此相兼。風輕待鳳啣珠寶。雷動催龍長碧鬚。破黑靜窺燈有燄。画空笑指筆無尖。囊中何物堪持贈。除是清河剔齒纖。

張培源

春光乍老麥纖纖。一曲澄波繞步檐。掠檻花飛紅作陣。侵階筍長碧抽尖。新篔自可從鄰借。險韻何妨信手拈。誰料東風太輕薄。也從帝鳩附炎炎。

陸王孫

披音坐外雨廉纖。新漲溶溶一尺添。迸土玉龍初見角。翻堦紅藥又抽尖。萼波最喜新來滑。蔗境原知老太甜。此日朋尊

四〇一
叨末座。小詩詎敢鬪清嚴。

惠 衛

今朝景物坐偏佳。人在春餘翠帽斜。雨沼乍晴平蕩葉。午風徐定落花暄。寒枉困開籠鳥醒。醉何嫌戰肉蝸笑。我南塘猶一出。琉璃燈下手頻。

葉之淇

欲結茆茨傍水涯。假君瓶拂弄烟霞。何當靜夜邀明月。且向殘春問落花。本是同源歸一義。都非岐路與三義。凭闌咏罷東風急。孤艇橫谿碧柳斜。

李 旭

方塘閣閣聚鳴蛙。極目煙雲興不賒。隔岬有人吹牧笛。夕曷何處響魚叉。乍飛乍歇風中絮。半落半開雨後花。好結白家香火社。百分轟飲荅韶華。

劉仔鉅

松牕竹屋靜不譁。酒酣重淪龍焙茶。石上對眠藉新草。欄邊散步嗅野花。清言任捉犀塵尾。好景待弄玉鷗叉。谿風作雨吹颯颯。栖鳥繞樹鳴啞啞。

沈 堦

狂言客盡驚徐邈。酒態人多笑孟嘉。良會恰衝三徑雨。破顏惟對一庭花。夜因憐鼠畱香飯。晨為挑錢覓画叉。願得低頭師島佛。從茲出語帶煙霞。

落花詩四首和韻

陸升爨 錄二

桃花淨盡柳花飄。去過銷魂第幾橋。差不分明迎社雨。寂無聊賴賣錫簫。紅殘亞樹兼高樹。綠徧長條更短條。似與天公發平等。因風散作滿城嬌。

絲。英。零。亂。疊。成。茵。輕。薄。東。風。颺。作。塵。小。朶。綴。來。無。那。雨。一。鶯
啼。過。可。憐。人。龜。年。度。曲。難。消。恨。夢。得。尋。詩。有。歎。頻。好。約。大。隄
諸。女。伴。茶。蘩。花。下。別。辭。春。

李 旭 錄一

濃。綠。池。塘。眼。倦。看。了。無。香。色。傷。離。闌。枉。將。玉。笛。閒。吹。破。忍。向
銀。燈。故。翦。殘。月。墮。西。巖。期。已。隔。鶯。飛。南。浦。別。尤。難。風。中。一。霎
啼。紅。雨。未。抵。秋。英。落。可。餐。

陸載霍 錄二

玉。容。的。的。影。飄。飄。亂。灑。長。隄。夏。短。橋。夢。裡。索。歸。才。子。筆。月。中
吹。斷。美。人。簫。已。拚。酌。酒。澆。紅。頰。未。肯。唾。牋。咏。翠。條。尚。有。山。禽
棲。未。穩。鶉。鳩。聲。老。画。眉。嬌。不。倩。維。摩。奏。梵。音。空。教。天。女。散。春。陰。白。飛。遠。浦。痕。都。碎。紅。捲
斜。陽。影。故。淡。種。得。芭。蕉。含。夕。露。夢。為。蝴。蝶。裏。秋。衾。如。何。一。隔

桃花面 崔護重來未許尋

劉 虹 錄二

漫。隨。柳。絮。逐。風。飄。腸。斷。城。南。舊。板。橋。記。得。開。時。頻。把。酒。每。於
密。處。坐。吹。簫。夜。深。宿。蝶。粘。紅。粉。日。落。啼。鶉。泣。翠。條。寄。語。多。情
花。底。客。黃。金。難。駐。眼。前。嬌。

陸載崑 錄一

一。春。能。得。幾。回。看。廿。四。花。風。信。已。闌。不。奈。蝶。翎。粘。粉。薄。可。堪
鸚。嘴。啄。紅。殘。冰。魂。斷。處。招。無。益。鉛。淚。枯。時。滴。夏。難。重。認。蘼。蕪
山。下。路。為。誰。辛。苦。勸。加。餐。

零。紅。碎。錦。總。成。茵。剩。粉。殘。香。半。作。塵。墮。地。劇。憐。金。谷。女。上。天
斷。送。玉。容。人。筵。前。蕤。蹴。飛。常。滿。水。際。鶉。啼。落。夏。頻。多。少。繁。華
供。悵。望。綠。楊。坪。外。了。無。春。

沈 垸 錄二

斜日東風歷亂飄。長紅小白罨溪橋。為憐剩粉攜銀管。嬾向
空枝弄玉簫。荒徑迷離多點綴。重幃護惜總蕭條。無情最是
春將老。和雨和煙。莖阿嬌。
韶光欲去。宵無音。翠幄初成。小院陰香。逐淡烟。春寂寂。影隨
芳艸。夜淡淡。拋殘自古興亡淚。吹落誰家錦繡衾。杜牧遲來
空有葉。十年前事。夢中尋。

陸大復

錄二

可惜繇香續續飄。暗隨流水過溪橋。芳華易歇憐金谷。短命
難延恨玉簫。十里花光渾寂寂。一番風信又條條。而今不用
幡重護。已作飛紅別樣嬌。
藉得殘花軟勝茵。不教散作路旁塵。低頭未忍全舒足。仰面
還驚欲唾人。望帝傷心歸切切。提壺憐客勸頻頻。只須東疊
閒愁起。直待芙蓉做小春。

飲白龍湫水。哀李孝廉潛夫。

陸奎勳

龍躍不知處。空山靈氣多。鑪烹太古雪。松和夕陽歌。無復逃
堯者。歸雲冷一窩。

邵暉

何代神龍去。冷然瀉碧涼。一泓寒拂面。七椀淡澆胃。猶見伊
人在。風清萬壑松。

葉之溶

人龍俱不見。潭水思悠悠。雲冷消靈氣。情高漱碧流。我來分
一勺。準擬息林丘。

潘應奎

潭水不盈尺。神龍之所家。幽光函古月。清氣吐梅花。感嘆蜃
園老。攜鐙但煮茶。

德衛

一勺闕靈蹟。高人心與同。攜瓢就寒碧。敲火試松風。啜罷起長嘯。寥寥遺韻空。

新綠

劉宸

簾波細細午風颺。庭樹陰陰晚色蒼。小閣倚來山翠重。春鞦踏去艸痕香。鶯藏桺慢聞嬌語。雨長苔茵送淺涼。近覺紅情銷已盡。一杯浮螳醉為鄉。

真衛

老來事事非疇昔。嫩影濃陰摠不論。松斷命根長是偃。桺慳生意只須髡。欲扶短策過橋嬾。縱拓橫牕到眼渾。偶愛鞦香啞句好。瓦爐吹斷穗烟痕。

賦得衛孃髮薄不勝梳

陸邦揆

一縷綠於雲。滑膩何須掃。郎來不復嗔。綰作迴心髻。小整玉鏡臺。微風散蘭澤。為誦白頭吟。感損遠山碧。

張培源

無心理花鈿。不願歷釵股。小立向春風。水沉風一縷。三尺雲拖地。隨時攏鬢鴉。不逢王內史。若個解簪花。

陸邦烈

青絲三尺強。一翦寄歡去。小兒憶花前。開匳淚成雨。幾度曉妝時。繡幌郎親揭。郎情梳上雲。儂情鏡中月。

角黍聯句

老饕妙體物。星坡冥搜到角黍。沉魄弔左徒。尼今新聞記南楚。日巧值端陽。啗宦律仍調仲呂。采采澗中菰。葑葑溼溼籬內糝。雪膚蒙綠縑。葑葑青腰束白紵。蘆灰瀝溫水。生負松脂燃猛炬。棗紅占

一尖滄魚豆赤嵌空所。中髮晒齊童。醒弓足憐趙女。宛肖芟磨
 稜三則差類龜伏礎。蕉待玉指剥。左准蘭傲金鍋煮。百索名自佳。
星坡九淵投亦許。水仙招欲來。左今蛟精飢莫茹。食品勝畢羅。崔
 人情佐粗糲。糖霜飽兒曹。亭葯筠籃餉儔侶。混沌肯受鑿。亭奇
 衰慎所與好事滿。邨郭生負行樂秘禁籞。綵帖祝多男。滄魚弱弓
 鬪偏旅。避兵粘靈符。士醒下酒羅雕俎。侵曉萃石交。三則盤空作
 硬語。勿綠介子推。左准攬入寒食管。星坡

石首魚聯句

大海環東南。星坡沙岸三十六。黃盤勢孤撐。凡今花腦影削真。驚
 雷歛寧起。崔汎風颭颭逐。幻市騁巨觀。葯腥涎羅駭族。貓頭
 竹攢排。亭笠蛛絲網繫舳。橫截連山波。生負疾走縣流瀑。弱取強
 則遺。滄魚先鳴後乃哭。蓆帆兩道張。士醒銅鈺一响鬻。粹白冰凝
 肌。三則病黃荷卸服。鋸牙骨若鱗。左准碎首石次瑤。聶切鮮宜羹

星坡盆承腴在腹。厨娘手斫霜。凡今座客唇沾馥。蒜拳辣欲搗。崔
 醯甕酸可漉。馬嘍願拜塵。亭葯烏鯽甘命僕。尾憐汝豸頰。亭笠項
 笑漢陰縮。秋化鳥能飛。生負春來梅正熟。病不禁僧寮。滄魚乾猶
 勝溪箴。禍福生有胎。士醒利害轉如轂。此此競蠅頭。三則耿耿逐
 虎目。作詩嘲魚蠻。左准未雨籌良牧。星坡

代神女宛轉歌

葉之淇

畱錦具漏箭。丁丁天欲曙。兩行珠淚滴。林花一點琴心淒。月
 露歌宛轉。宛轉情彌篤。願為連理枝。雙雙植金屋。

馮幾

曲未終。金釵扣不窮。春條自向春風舞。桃枝空作桃花紅。歌
 宛轉。宛轉神正傷。願為鍼與綫。縷縷引絲長。

葉之溶

夜未央。猶餘金燼光。小立中庭情繾綣。忽逢上客音悲涼。歌宛轉。宛轉酬素琴。願為揚與柳。婀娜蕩春陰。

劉仔鉅

幽恨長錦幃。淡閉鬱金堂。儂心更比蓮心苦。郎性休如石性涼。歌宛轉。宛轉斷柔腸。願為沙與渚。嘗得睡鴛鴦。

端午竹枝

陸邦烈

部頭法曲按君臣。掩冉臆腰艾虎新。六槳龍舟鱗鬣奮。更誰救取汨羅人。

葉之洪

二麥初黃豆子青。陰陰綠樹徧郊坰。鄉風餽送過端午。市尾街頭雜海腥。

馮幾

五時花結繡幃張。庭宇陰陰日正長。為有健人簪薄髮。不教小膽怯蘭房。

陸載霍

端陽景好供家家。蒲劒榴鬟五瑞誇。強似靈符能辟惡。終南進士畫硃砂。

劉仔鉅

海榴花發雨瀟瀟。鬪艸歸來怕寂寥。角黍包金蒲切玉。與郎泥飲盡今朝。

李旭

不弔沉江屈左徒。筵前酒是避愁符。小檀橋畔添佳話。摺扇爭看解纒圖。

劉負生画解纒便面背錄同人角黍聯句

憂旱

葉之洪

數月一雨民未息。今復一月烈日赤。百丈深潭徹底乾。千年古井無涓滴。農夫力盡枉作勞。舟子何從覓衣食。三伏苦耐氣鬱蒸。仰頭還望秋雲黑。秋雲不黑雨不來。稻苗已槁人牛瘦。悠悠蒼天奈何哉。安得千山萬山飛霹靂。

陸邦拔

流金鑠石陽烏驕。湖田徹夜鳴桔槔。土龍咒盡火雲合。零壇播影徒飄飄。彼蒼仁育萬民者。由來視高能聽下。曷為呼籲若罔聞。三時膏澤厖原野。鄰叟慘淡前致辭。壬辰之旱甚今兹。青蚨四百易斗粟。閭閻婦子猶恬嬉。邇來風氣太桀黠。結隊淘浜罄魚鼈。白晝公然掠客裝。攜載鹽鹺莫敢詰。金閭訛傳墮赤魚。箬溪駛見虎負嵎。少壯筋力任轉徙。老羸旦暮填溝渠。病夫揮汗不暇食。聞言投箸三歎息。浙西連歲書大有。紛奢戶少儉石積。桑下雉馴境絕頓。不貴其異貴其誠。滂沱

一雨苗淳興。翹首佇望東長生。

新秋得紅字

沈堦

秋光無限小庭中。斷續吟蛩斷續風。桐葉飄來天影碧。藕花卸盡水痕紅。不嫌一卷書頻借。莫遣雙壺酒易空。長簟薄衾銷未得。新涼細細拂薰籠。

陸升爨

不分愁中與病中。小窗管領芰荷風。得閒愛把三杯酒。避俗羞談一點紅。飢隼怒飛盤遠勢。渴虹低飲瞰晴空。山居儘有關心處。未雨先教蓋雀籠。

陸邦烈

浙瀝秋聲撼枕中。朝眠又飽水亭風。明蟾欲活蘸池白。細草無名著雨紅。夢斷故嫌銀漏促。夜涼易怨繡屏空。此情莫語

孤栖雀付與蕭蕭冷翠籠

沈 堦

蚤秋天氣勝春中。一逕蕭疎。一逕風。稻葉參差千頃綠。蓼花
掩冉十分紅。雨敲蕉本心俱碎。月轉梧桐影漸空。憐殺窺人
簷底鳥。能言強半受樊籠。

陸大復

匡牀寂寂又秋中。鎖閉橫窗怯曉風。芝艸得霜鷹更紫。苔花
經雨不成紅。蟬如有恨移枝去。燕自無情任壘空。我亦人間
憔悴客。月斜愁見淡烟籠。

又得肥字

沈 堦

避喧只合掩柴扉。強把魚竿坐釣磯。茗椀啜餘剗酒熟。蒜絲
滑透又鱸肥。雨滋曲徑攜雙屐。風入秋簾試夾衣。極目碧天

雲似水。一鈎新月映羅幃。

陸奎勳

銀河隱隱白當扉。菽水淡淡碧浸磯。可嘆國香還自媚。空傳
龍種不須肥。濕螢似欲爭蒸火。倦蝶何心鬪舞衣。聞道翹材
新築館。三秋兀坐掩書幃。

潘應奎

際水涼雲護短扉。殘楊有意傷漁磯。漫嘗並蒂甘瓜美。轉羨
跳波尺鯉肥。江稻雨餘應吐穗。吳綿價重未裝衣。已然孤榻
愁無寐。况是如霜月射幃。

陸邦烈

買片秋山闔版扉。釣緝三尺颺苔磯。碧天雁影繩初列。綠圃
厨烟韭又肥。小立空階鳴蟋蟀。嫩寒織手製羅衣。鏡池風捲
菱花白。恰入重門蕩縠幃。

陸載霍

謾呼阿段掩雙扉。為愛斜陽立釣磯。此際石尊秋引蔓。何時
金粟雨催肥。松風有韻浮仙掌。梁月無聲落妓衣。吟盡瞿唐
夔府句。依人難下董生幃。余歸自蜀中

明河篇

張培源

帖帖秋痕飛不起。如繩夜映千門裏。漱灑長隨月浪流。虛明
嬾逐雲濤委。一條界破天中央。雄虹逃匿無津梁。柔情不斷
勝於水。含愁脉脉遙相望。黃河東注莽激射。鮫人學織鮫綃
帔。罡風截道銛古刀。莫割頽瀾空際瀉。錚當漏永銀虬壺。解
量滄海海亦枯。涼露滿天左界直。瓜筵催獻雙星圖。

陸大復

女牛不合遙相見。秋水盈盈如匹練。停梭望斷錦中書。伯勞
東去西飛燕。歲歲剗逢一夕過。歡悰何少別何多。願得將身
化精衛。不辭辛苦為填河。針樓鶴嶺悲陳迹。吾亦狂歌歌落
魄。銀漢無風咫尺間。夢游且枕支機石。

葉之溶

明河半是金之氣。行屬西方少昊帝。銑盪鉞鏐萬點光。凝成
一片天南繫。混茫宇宙作爐冶。銷鎔太白橫羅計。梁州可採
蜀可求。長空顯晦誰能企。明河半是水之精。下通江海源流
清。迢遞詎止三十丈。浮天載地波不興。大澤能潤一切物。白
榆先得資所生。舉首仰窺同蠡測。耿耿欲曙含晶英。
今皇有道垂拱治。千秋萬歲直如繩。

沈堦

銀壺點滴愁無眠。天容寥廓驅雲煙。中有明河白於練。橫空
一片隨天旋。雞唱曙光猶耿耿。缸花玉色開綿延。爛爛含星

挂屋角溶溶伴月鋪簾前風浪不生渡牛女璇宮再宿慳良
緣八月高秋轉鳳律仙槎果否乘張騫分無帝子支機石且
貯君平賣卜錢

月夜過具區望洞庭東西山

陸奎勳

竝蒂芙蓉三十六攢青漫碧渺無涯漁燈滅沒猶張網雁影
羈孤但啄沙此夜兔華寒似水何人烟艇願浮家

沈峽

紅白漁燈舟渺渺青黃雲樹子累累銜山銜水蟾蜍窟非雨
非烟雁鷺陂漫說望衡帆九面洞庭七十二峰疑

邵暘

自在秋帆挂月行銀光萬頃接高冥船如逐電周神駿人比
浮槎漢客星縹緲莫釐何處是奚奴遙指兩螺青

葉之淇

萬頃玻璃遠接天商風入夜弄潺湲雲連岬嘴雙螺淺月墮
波心一鏡圓獨倚危檣發長嘯斷行孤雁起汀煙

潘應奎

笠澤烟波淼無際揚帆載月寂相宜千頭蜜橘經霜早一網
鱸魚出水遲有客已歸林屋洞秋空何處寄相思

倩王補雲
寫林屋圖

故友沈南疑有
卜居洞庭之志

葉之溶

拏煙小泛龜蒙宅雪浪層層捲皓魄上下交光夜正佳東西
飫眼山含碧蓬窗徙倚不成眠遙指冰盤兩拳石

陸邦烈

一舸鷗夸在也無風颿如馬破長湖人方弄邃悠揚去月已
安弦宛轉俱七十二峯三萬頃柁樓指點未模糊

秋蝶

陸載崑

縈空鳳子舞蹁躑。蕭瑟東籬起暮烟。撲去曲江成悵望。夢來秋水是因緣。隨花落砌真無奈。賸粉黏衣劇可憐。珍重春明好相見。暖風香雨護婣娟。

張培源

閒庭點綴有秋英。小蝶翩翩拂短莖。寂寞嬾隨蠶作伴。飄颻驚與雁同行。舞低似比春無力。粉褪偏於月有情。重向羅浮問消息。啁嘈翠羽夢難成。

陸大復

秋清簾外落微霜。剩有低飛蛺蝶忙。已向日中調敗粉。重來花底覓遺香。画廊曲曲人俱靜。綺戶深深路半忘。寄語雄蜂休悵別。相期長定在春陽。

沈堦

羅裙化作蝶衣妍。不料秋風亦有緣。巧舞定嫌栖露叶。團飛應恨逐霜天。香隨楚妓情聊爾。夢入莊生事惘然。四百峰頭歸未得。輸他賓雁白雲邊。

蟬嘲蜚二首

沈堦

好鬪不因睚眦。能言每受牢籠。五德更誰似我。高吟一闋松風。

陸大復

不解高栖樹上。胡為卑處泥中。博得蠅頭幾許。替人血戰秋風。

蜚答蟬二首

沈堦

語曾聞玉枕。擽嬌自貯金籠。豈爾呼號衰柳。慣餐晚露晨

陸王孫

異類螳蟻揮斧。前身蝓蠅轉丸。解道居高飲潔。炎炎却附貂

洛如詩鈔第五卷終

洛如詩鈔第六卷目錄

詠菊六首

五言古和華亭沈恪庭太史錄九首又集陶五絕八首集杜四首集蘇四首

種菊四首

灌菊四首

訪菊四首

載菊四首

對菊五首

采菊四首

賦得嗜好與俗殊酸鹹

七言律沈茶老倡錄三首

雨夕用昌黎會合聯句韻

五言古陸坡星倡錄三首

德藏寺古蹟九首

七言排律

竹菴

華光井

松風臺

古銅鐘

山月池

寶興塢

梓樹坪

講經臺

琅函閣

季冬上浣八日集陸霍皆解西書屋賦得十二冰詩

冰鏡井
冰山
冰林
冰山
冰筋
冰統
冰蠶
冰臺
冰桃
冰絃
冰簟

海舶六詠 五言古陸淮左
倡錄廿八首

貝六首
鯨四首
石松五首
椰子四首
海螺五首
番薯四首

苦寒行用高青丘京師苦寒韻 七言古
錄三首

入臘日陸坡星張尊鄉招集可銘書屋分擬唐人試

帖錄十

金在鎔窠白行簡
臘後望春宮擬林寬
南至日隔仗望含元殿鑪煙擬崔立之
玉聲如樂擬潘存實
山出雲擬陸暢
曲江亭望慈恩寺杏園花發擬曹著

河鯉登龍門擬元稹
觀淬龍泉劍擬裴夷

日暖萬年枝擬郭求
內出白鹿宣示百官擬黃滔

雪後集弄珠樓 限七律陸淮
左倡錄三首

戊子上元陸藻亭淳川攜酒早服堂集字限成五律

錄三

蹋燈詞 七言絕
錄八首

汾湖歌裏鐵笛僊 七言古彭學院
課士題錄三首

論詩口號 七言絕陸坡星
倡錄三十八首

洛如詩鈔第六卷目錄終

洛如詩鈔第六卷

小長蘆 朱 蘇尊 竹垞 選

詠鞠六首

華亭沈恪庭太史做泉明之愛菊次第繪圖托請吟咏僕亦愛其耐冷棲幽之致爰偕同人和如其數葉之淇待堂書

種鞠

於鏡閣

葉之淇

日夕雨霏微。菊苗何獨盛。移栽北牖下。縱橫列幾稜。扶爾碧琅玕。托我長鏡柄。黃華晚節佳。清芬已先孕。

陸邦烈

笏地分溝塍。煙苗向鄰折。雖非康風仙。裊抱亦騷屑。會須落落栽。莫礙凌霜節。

德 衛 集陶

見別蕭艾中。南圃無遺秀。本不植高原。勁風侵襟袖。

霜根結在茲。一丘藏曲折。瞻言終荷鋤。幽事亦可悅。

灌菊

葉之溶

根與水相需。絡之以古瓦。桔槔多危機。抱甕無心者。山雨猶未來。徒倚東籬下。

張培源集陶

清氣澄餘滓。長吟掩柴門。晨興理荒穢。且遂灌西園。

惠衛集陶

托身已得所。但想時我遺。枝條始欲茂。願君汨其泥。

陸載霍集蕪

畦菊發新穎。廉泉春未流。區區效一溉。身自雜蒼頭。

訪菊

葉之淇

吾聞甘谷中。節華大於掌。駕言巾柴車。素心人共往。當此秋風清。挹彼西山爽。不須玉函方。頽齡可以養。

陸邦烈

于野得朋儕。勿愁風雨厄。精舍恣冥搜。寒英殿花籍。但覓一枝看。抖擻吟秋客。

張培源集陶

蘭衰柳亦枯。了無一可悅。芳菊開林耀。遙瞻皆奇絕。

李旭集杜

看花隨節序。步履向東籬。秋色正瀟灑。殘樽席更移。

載菊

葉之溶

野航一人撐。數本載篷底。倒影入中流。生綃拭細蕊。堪笑杜

陵翁櫓搖僅背指

張培源 集陶

秋菊有佳色。此語真不虛。冷風送餘善。逝將理舟輿。

德 衛 集陶

一條多佳花。卽事多所欣。舫舟蔭門前。澹澹寒波生。

陸載霍 集蕪

花水相媚好。擷芳眼已明。我欲偕秋風。孤舟擘岸撐。

對菊

陸邦烈

小酌愛微醺。逸態各窈窕。吾廬花作國。無語恰含笑。尚恐鱗
霜侵。展幔移燈照。

葉之溶

傲霜獨晚榮。百卉謝非偶。兀坐秋香中。恍如對良友。款戶來

白衣陶巾免漉酒

德 衛 集陶

揮盃勸孤影。俯仰各有態。嚴霜九月中。良辰不可待。

李 旭 集杜

共此燈燭光。坐開桑落酒。遣興莫過詩。更得清新否。

陸載霍 集蕪

清飈已拂林。欲出誰肯伴。置酒仍獨斟。幽裊忽破散。

采菊

葉之淇

風俗愛重陽。吾亦來采菊。服之可得仙。何必求醺醪。日莫已
盈把。兩袖皆馥郁。甫里拜新銜。含咀勝梁肉。

張培源 集陶

采菊東籬下。菊爲制頽齡。常恐霜霰至。宿草旅前庭。

李旭集杜

已近苦寒月。采采黃金花。物理固莫奪。我飢豈無涯。

陸載霍集蕪

落英亦可餐。陶寫有餘歡。欲補離騷傳。碎金收辟寒。

賦得嗜好與俗殊酸鹹

沈昌祚

箇中辛苦備嘗來。日夕營營大可哀。愛此蓬廬清似水。恠他瓦釜動如雷。調飢心事憑誰語。冲淡生涯任客猜。鹽虎醯雞堪一笑。判教白墮倒殘杯。

陸邦烈

嚙蘖清標直至今。蜜甜隨意且孤斟。性偏久分遠時態。味淡何妨配古音。斗醋吸來猶折鼎。井鹽煮盡不售金。締盟合向青松倚。倔強凌霜一寸心。

沈堦

平生臭味想如蘭。幾見簞瓢副所歡。事到糝糊隨分好。心耽澹泊入時難。蟲能食蓼寧知苦。鼠為茹冰且耐寒。傻讀蒙莊齊物論。藜羹羊酪詎同看。

雨夕用昌黎會合聯句韻

陸奎勳

風雅失權輿。髮引千鈞重。蜩鳩決且笑。豬豨突彌勇。艷情錦段裂。冷趣玉樓聳。百鍊神劍躍。一瀉巫峽涌。盎仍鼠粟空。席任蒿埃壅。折鐺猶有耳。明珠本無踵。鵬亭藁蝕蠹。茜村艸沒壠。好事何寥寥。浮名竊恐恐。探萬一千策。蒞二十七種。形甘蝸殼縮。性鄙蝟毛冗。未肯窺錢囊。亦懶弔文塚。宗雷可接歡。尹邢休妬寵。輕颺助清話。微波蕩綺枳。絲胃飛蟲驚。葉墮游魚恂。語鳥能協律。嬌花足供奉。質薄柳先零。天全樗故腫。笠

欠孤僧撐篲拉雙童擁塵尾且勿捉竹根行當捧暝色喧林
 鴉商聲靜牀葢醉即解眉結涕不救脛燼賭奕鑿鼻蘭射覆
 穿闕鞏幽人例瀟洒麓官定偏燭集蠅動長喟見蠍發遙悚
 六六鱗窈眇三三徑龍茸焉能碎胡琴而令荆珙相送桃
 花潭相憶梅花隴離多忽萍聚興極各鴻溶華言謝聲悅苛
 禮脫欽牽叠膝守雌玄舉足判基冢駟飽終憐蛩蛾鬧頓忘
 蛹淺墨雲衣匪微青山髻踊算抽筠滑潔篋披鶴細甃蓮沉
 壺中箭鯨扣舞上甬誰歟苦催詩簷溜勢洶洶

陸邦揆

附執我所輕樂生古彌重視蔭憐趙怯揮戈憶魯勇寒冰乍
 堅凝衰柳失青雉愁心苦旌搖睡魔劇雲涌無絃鼓瑟難有
 口縣河壅間共支許談喜接羊求踵漁戶網帖岸場功稻移
 壠團圍得所懽坦率無將恐鷓鴣漾奇彩篋笈辨遠種笛屢

靜中聲棋敲僻處冗寶鼎定軍山蜩簡安釐塚綠髻半蕭
 青萍各矜寵同心采芳佩舊事感華棋蠅營世紛紛蝸鬪日
 恂恂行需錦障披坐愛銅琶奉衣鮮令目眩面團類疣腫蟬
 蛸就速化粉黛徒虛擁隱囊有鼠行蕭局何人捧啾啾梁間
 燕寂寂牀下蚤且從龜尾曳莫訝馬背櫃飲疑忍渴夸詩爭
 獻捷鞞筍蒲味鮮旬蠖蠶形偏燭漏促意未懶風動神皆悚
 海童颺高旃巫女駐寒茸俄然雙鈿轆粲兮兩圓珙延綠帆
 轉衡砵訶河赴隴歸途慮邏禁吹席戒恂溶長賓令成律小
 戶罰甚萃逃筵魚脫鈎倒榻山崩冢燒蠟搖夜珠裏衾列文
 蛹慈鴉忽喧聒烏龍思曲踊晨牖凌霜花單衣羨鳥氈飛楫
 辭漢臯餘塵話越甬惜無二妙來與聽檐瀑洶醜士往蕪魚滄在郡

陸邦烈

牋紙桃花紅拂拭意何重鈍無擊鉢敏懦失扛鼎勇竊隨孔

彌文徒仰斗杓聳芳名龍在潛藻思水方涌盍簪務選勝刮
 目利除壅楓香乍辭榦橘陽又旋踵青嶂歷平疇黃雲打荒
 壟樓林鮮新慙咳鶴失餘恐闔戶攫幽趣披徑詮異種松根
 儼燭列水梭但星冗香心或滿飄花牀莫拋塚驪珠探的爍
 虎皮藉榮寵朱絃攏玉柱金荷耀蘭棋忘形志已諧攬輝願
 彌恟脫憤恣憑陵插槃樂推奉瑤飴學螿浮山樽象瘦腫胡
 牀誰獨據艷姝亦雙擁吹籟虐晚幃跳珠泣寒葢撐風愁乘
 危得趺怕騰燿舊環粉面佞美果紅蠶捧積灸接陰標覆席
 逾革鞞崔突雜品題尋香及猥鱗銜蘆繞且鳴拒霜枯而悚
 神駒圖躑躅霧鬟競龍茸高裏抗霄漢清音鏗璧珙取材歷
 東臯摘錦憶西隴群公固磊落英才誠沛溶慵懶體支蔓拘
 虛守攣拳綴羽怯遠鴿坐井企孱冢撞鐘聊舉蓮囚山直化
 蛹籬鷄不易搏跋盃勿輕踊倒瓶狀醜醜題襟意紛穠邨鳥
 叶曙籤禪唄响晨角衝寒鼓柶歸澎湃湖流海

德藏寺古蹟九首 有序

當湖古刹首稱德藏洊歷千年龜鼓寺志暇日稍為採
 撫得古蹟十二存者已不逮半請以錦段之餘而為玉
 帶之鎮諸君子諒亦勿辭也邵曷白厓書

竹菴

宋竹菴可觀師五至當湖卓錫於此因以為號今梧竹居地

邵曷

何處幽尋古竹菴殿西小徑翠雲含千梢風動聲如籟一院
 煙橫色似藍藹藹青光來佛座亭亭疎影拂經龕莖抽牆外
 蒼僧栖敢羨金田布客到還思玉版參講席遥遥開趙宋芳
 名奕奕表瞿曇林間挂錫曾經五寂後觀無卻有三散出篠
 階聊寄慨閒擎茗椀得常談而今兼植青梧在猶見荒籬繞

碧潭

華光井 大殿東廡有華光祠今廢相傳井在祠前汲水飲之有病輒愈

陸奎勳

古井淵涵徹底清。漫勞依附五通名。滌煩自覺神明爽。愈疾紛傳體骨輕。曉汲伊蒲香作供。餘波藜藿淡為羹。輓轡有轉何曾竭。幄幕雖張且莫爭。種得桃花娛永晝。飄來桐葉撼秋聲。渾疑坐處天光小。未信關時火燄生。雲母阿誰餐上藥。脂枉是莖傾城。何如與客嘗新茗。消付山家折脚鐺。

松風臺 臺高十二尺廣七尋後繞玉帶河上有法界菴主寮堵波及自製拈錫康熙丁卯李山人延是補栽小松二十株

葉之淇

古刹荒臺覓舊松。依然風起看猶龍。人嗙秋草埋幽境。我夢斜陽策短筇。玉帶圍流通小艇。石城平眺隱遙峰。乾坤自合窺三要。南北何勞判五宗。孤塔有靈清夢感。斷碑無字冷雲封。

幾堆敗葉藏鼯穴。亂點蒼苔碎雀蹤。隔院茶香煙裊裊。對谿竹色影重重。耽吟素志原非癖。選勝高懷竟不慵。嘹唳畏聞天際雁。淒涼怯聽夜溪鐘。竭來未盡登臨興。入社還期惠遠逢。
是日尋笑拈上人不值

古銅鐘 異銅所鑄匠云俟我行六十里乃扣甫至新坊聞鐘聲嘆曰此矣後改鑄本寺雙寶塔頂乍浦海塘隔一夕飛墮借以為錠石之需塘

遂告成

陸邦揆

小來佛土興蒼涼。閒話銅鐘事渺茫。篆刻入神逢巧匠。曾吟傳響過新坊。規摹無射形殊古。採鑄耶溪質倍良。平六紀三符律度。騰龍攫虎煥文章。撼殘雲影驚聾俗。敲落天花禮法王。不分旋蟲縣朽索。可堪蝕土臥斜陽。安輪乍飾撐空塔。錠還堅捍海塘。輸與豐山鐘九耳。年年霜裡韻清鐺。

山月池 竹菴嘗曰松風山月此我無盡衣鉢也圍以石欄形如半月

一輪幻出兩輪收。天際蟾光水面浮。絳灑楊枝池作眼。鉢呼龍子月當頭。東連華井澄如練。北對松風韻最悠。三字斬新橫片礪。四更縹緲印層樓。金波鎮免昆明劫。玉宇聊為汗漫遊。臥佛拈花添法雨。飛仙倒景弄清秋。經馱白馬冥冥渡。髻涌青螺灑灑留。點筆石欄誰和我。莫雲佳句憶湯休。

寶興塔 後唐路王清泰中。建宋元祐七年。魯齋寧口。第四人重修。

陸邦烈

浮屠雙插勢峻增。土蝕苔封話寶興。魯氏紅荆都樹德。唐家緇客遞傳燈。週遭大可焚香禮。絕頂終難躡級昇。龍角摩雲真突兀。鯨鬚跋浪自威凌。鐵輪在昔飛何巧。玉帶於今鎮未能。劫火竝燒神物古。筆峰連聳夜光凝。三三逕闢空聞鐸。六六甍摧尚有稜。為向西風頻歎息。銅仙一倍歲華增。

梓樹坪

坪甃以石可二十丈。樹為南宋故物。趙子固有步德藏梓樹坪下。詩崇禎戊辰大風拔者三國初猶剩合抱一。株今存白榆而已。

陸大復

精藍梓樹前朝物。古殿春深綠蔭濃。八九株排馳道直。億千影落梵天重。巢危屢翫喬梢窄。藤老爭擎渴飲龍。法界雨來聲撼竹。山池風緊勢連松。高僧覓句閒雲合。學士追涼小馬從。花著紫冠經寸糝。筴垂玉筍百圍封。孤亭暫憇清無暑。傑閣遙看翠若峰。磔砢干霄今不見。榆錢堆裏嬾攜筇。

講經臺

竹菴演唱之所。火於元末。臺右有雨花亭亦廢。

葉之溶

至寂性根衷耿耿。無生覺岬語茫茫。雙因未啟真迷路。七辨虛縣似面墻。慧室心燈宵正冷。慈門意絮曉初揚。竹庵老衲升猊座。貝葉奇文露寶光。廣舌自能宣四諦。妄身奚啻約三章。已教法雨沾簾潤。復遣天花繞砌香。縹緲鸞音成樂國。軒

昂象迹本歡場。千年餅鉢仍無恙。四面松杉半欲荒。苔蘚積
陰粘敗壁。鼯鼯落日竄空廊。客兒縱有翻經願。難媿泉明飲
興長。

琅函閣 建自家莊簡小貯
大藏經五千卷

陸王孫

石池一碧浸涼蟾。丹刻椒塗小閣添。鍾阜遠攜花雨潤。琅函
高貯宰官鉉。漫嫌客子塵心雜。祇許山僧活句拈。貝葉五千
裝路錦。天龍二六擁牙籤。松黃點點風飄瓦。竹翠脩脩影入
簾。瞻處合離光並現。翻時淡淺意俱忺。露滋苔蘚蝸升壁。日
薄觚稜鵲絮檐。劫火不飛陵谷變。何因重覩舊莊嚴。

十二冰詩

季冬上流。日同人集解。兩天氣始寒。闔作十二冰詩。越二日
河流凍合。舟楫不通。客有見朝者曰。君輩苦吟。乃能感字。其
漢耶。余笑應之曰。篇終接混。茫筆落。驚風
雨非子美。固不信有此境也。陸大復書。

冰井

陸時杰

鑿地涵明鏡。增冰當暑誇。圓疑停月魄。銳似蠹鯨牙。素綬垂
無影。銀牀凍有花。泉甘那可汲。魚負詎能叉。不信和風半空
勞。畏日加皎然。貞白性。香土厭東華。

冰鏡

邵 暘

品是凌人掌。形疑巧匠錘。空空瑩表裏。迭迭獻妍媸。密荇曾
牽帶。輕颺不弄漪。抱圓金兔滿。呈素玉壺窺。團扇羞相見。盤
龍寄所思。縱然寒徹面。猶奉笑顰隨。

冰牀

陸奎勳

凍合渾河北。冰牀穩似軒。綆牽誇犢健。輪轉駭雷奔。不浪全
鋪月。連空一抹坤。郵程參水陸。詩夢亂朝昏。寒沍龍猶蟄。飢

驅鳳亦蹲西風吹客淚染盡葛衫痕

冰山

潘應奎

重陰成玉戲縹緲作奇觀不待天丁運無煩巧匠刻欲行愁
紇榻相對怕癡頑直逼吟肩聳能令酒戶寒圓紅光易匿闕
白勢猶完莫笑飲冰者巖巖燧熟官

冰筍

陸升爍

凍雨斷還滴層冰結夜斯廊腰排石齒屋角綴銀匙依溜垂
條玉臨風挂脆枝肯孤陶冶意寧假琢磨為謀士難教借貧
家不當貲纖纖敲欲折沁骨費相思

冰純

葉之溶

誰倩宮娃手纖纖織素縑珍踰雲母帳光映水精簾漫想霜
膚滑難教香汗黏飄裾驚睡蝶掩扇泣秋蟾鏡檻涼風入銀
河夜色慙羊欣書近好尺幅透毫尖

冰蠶

陸邦揆

圓嶠山頭繭銀河月夜機柔絲光艷艷細縷霧霏霏化蝶穿
花見和鮫出水飛雪深長欲臥桑盡不愁飢頭角嶄然異文
章亘古希玉賢纖手製應勝五銖衣

冰玉

劉宸

搜奇經絕壑積凍鑿何年皓彩清偏潤潛英冷益堅杯淡浮
琥珀牕薄漏婵娟照日愁融水逢春欲化煙渾疑生月窟端
合隱龍淵不倩陵陽獻寒光自皎然

冰臺

陸載霍

寒爐煖意絕。既濟得冰臺。漢殿珠含曜。秦宮鏡拂埃。不磨光自徹。無緼火能來。巧比潛英石。明於照夜苔。羨名移馥艾。善病貯靈芳。向日輕煙起。沈憂一掃開。

冰桃

陸載崑

金母來丹闕。當筵碩果頒。葩曾翻錦浪。種自越綏山。脆質能銷暑。甘滋好駐顏。偷嘗小子朔。拜獻上元環。有黍何須雪。成蹊可待攀。如瓜配仙棗。佳實一齊刪。

冰絃

張培源

冰絲涼夜撫。淒切助秋聲。孤響風前亂。繚音月底清。聽餘何縹緲。斷後不分明。軫待美人促。縑從園客成。潔應輸楚璞。古自奪秦箏。獨抱臨邛渴。空勞十指輕。

冰簟

陸大復

珍簟同冰滑。攜來奪夏威。含漪風細細。漾碧月依依。色混琉璃瓦。光搖翡翠幃。桃枝堪作骨。薤葉借為衣。莫雨吟初穩。新涼夢亦稀。北牕梧影合。高枕可忘機。

海船六詠

淮左識於萬清樓

貝

邵嵩

文貝非一族。纍纍拾海濱。龜背壓魚齒。錦衣綉玉身。久為呂秦廢。獨讓錢通神。

陸邦烈

含齒何為者錦衣白斑駮古時金錯刀
我成敗龜殼跨鯉從水仙博物猶可學

葉之溶

如霞復如綬誰更錫百朋畱為至人寶
演作相貝經神與三代游泉布較重輕

張培源

大貝產日南顏色燦如卉今作戲兒資
曩為通神貴用舍不同時對此良可憐

陸王孫

貝屬應瑤光大險小則楯清瘴綬文披
逐水鷹喙哆二五結為朋利交殊細瑣

德衛

蠹爾簇團沙羅羅背瑩紫所負亦幾多
痾腹編怒齒義或取諸齋以濟泉流駛

鯨

沈峽

雌雄心一片下上水漸漸滄海夫何渺
揚帆風信恬如嫌雙甲重化羽作鷁鯨

葉之淇

鬣帆乘汎風雄必與雌對蟹足多一聚
腹鵠眼高着背失一不獨活薄彼亂匹輩

葉之溶

混跡泥沙中邠求升斗活高冠直齷惠文
利刃漬碧血爾盍乘長風鯤鯨同出沒

德衛

便面雖介族乃具燕婉情負雄掉危尾子子揚颿行千年銷
斷恨白波卷訶陵

石松

邵曷

石勢幻松形堅貞兩相逮森森鱗角排想見濤如灑肯辭秦
帝封能屈米顛拜

張培源

松形乃飄瞥石質非堅頑天巧謝斧鑿材與不材間攜以列
几案一洗塵土顏

陸邦製

海水日砰訇石形幻難考揉之聲琅琅蔚若龍鱗老何來鐵
網疎不共珊瑚寶

潘應奎

昔聞松化石今見石為松雲根團勁質五鬣脫髻鬆洪厓堪
作飯義不受秦封

惠衛

元與迴崩瀾積空跳乳沫結成白瓏鬆虬枝遜其活誰能撼
作聲價與珊瑚擢

椰子

葉之淇

交南多椰實中有甘汁漿飲之輒醺人碎手凝冰霜製為顏
子瓢用舍吾席傍

張培源

海外珍楮栲性本辟百毒人巧製杯杓天然具醴醪恨不瓜
蔓生使我飽所欲

陸王孫

二乃七子
艸木狀南荒。柳漿供客醉。壺柑非匹儔。檳榔可見視。耽酒喪其元。越哉化飲器。

惠 衛

千尺森束蒲。透空蜚雨響。剖實溢甘漿。葡萄安可做。持簪野客顛。髮根薦秋爽。

海螺

沈 峽

玲瓏復玲瓏。凌波解微步。偷取睡龍珠。游戲珊瑚樹。玉骨蛻秋漂。一卮明月駐。

邵 嵩

古樂不復作。金石都謬唯。法嬴大音出。天花雨曼陀。宣揚第一義。遠勝擊缶歌。

葉之溶

我從日南求。異羸大如斗。彭亨擬龍腹。喻張肖鳥首。六甲豐行厨。寄居人在否。

潘應奎

流螺東海生。其族本蛤蠣。斑斕遺空腔。宛轉如盤髻。付與崔阿師。唱蒙多羅義。

惠 衛

頂旋若宛頸。負側儼垂翅。琢為紅鸚鵡。獻之鮐錄事。甫脫惡波濤。便作飛鳴勢。

番薯

陸邦烈

沃土長靈胎。結成臃腫狀。甜滑逾蹲鴨。老饕食無量。凌晨搗作羹。土銼翻雲浪。

張培源

薯蕷入藥笈名番何所據味甘雖解飢性賦難施箸淡泊山
中人饗殮聊以助

陸王孫

咀片足療飢燒春亦取醉功用勝玉延淵源憶所自亭以金
薯名比於召伯憇

一名金山署閩撫金
省吾攜歸番中

德衛

碗礪得蕷名其值賤如上貧厨玉糝羨海霞泛紅縷亟往趁
秋帆白石不可煮

苦寒行用高青丘京師苦寒韻

葉之淇

酸風冽冽吹晝昏海水欲立圻締坤密結同雲盛陰氣亂鋪
朔雪平無痕翠竹委地盡摧折老松倔強聲喧奔惜哉藜藿
一夕死幽香安得回孤根南窗老子不敢出十日未見升朝

曛有時齒牙自鬪戰長宵夢斷搖清魂布衾歲久冷似鍊感
縮不知雙足存袁安僵臥差可擬那能跌坐學世尊市人來
往邈絕跡停午已見扃衡門仰頭呼籲陽德轉摩雲無翼排
天閭兒女號寒繞膝立袖手屢作飢鳴蹲誰哂蒙垢懶櫛沐
書籤回譜廢討論况當歲莫烏薪貴鑪中撥火難常溫聞道
邊關阻車馬冰巒雪巘來崑崙長河大江成一凍涇渭何處
分清渾征夫十指半皸瘵端居合戴皇天恩扶筇且去告鄰
叟羨醞頻貫下若却

張培源

西風颯沓連朝昏凜凜烈烈愁陰坤杈柯老木半摧折玻璃
凍徹無纖痕六月酷熱去未幾忍復嚴寒相追奔人生飄飄
若小翼歲序旋轉非滾根罕逢清冷浴素魄難招煦嫗迎晴
暎僕本善病得小愈當此慘節驚心魂推挽造化仗酣飲沐

頭渴螳無多存。帶婦拔釵貫村苧。招邀共倒榴花尊。醉餘擁
 被卧一昔。勢穿茅屋掀蓬門。忽聞屑瑟雪聲響。遠望不敢啓
 吟聞窟中蟄蟲僵欲死。巢覆絕少飢禽蹲。山肩負凍縮似蝟
 炙背獻曝空談論。那得紫裘萬千襲。即時大地回春温。庶令
 關山遠遊者。層冰一任蹙崐崙。犯寒偶起覓殘句。仰視碧落
 如坏渾。為乞駿鳥散陰靄。群生成拜天公恩。夏期同裏蠟破
 履。催梅小步城南屯。

惠 衛

瑟縮匿影連朝昏。朔氣徧走東南坤。酸風霍霍射眸子。短襟
 涕淚交斜痕。歲未六十遽衰朽。流景迴顧驚蛇奔。暄寒遞嬗
 煎人老。誰與造物窮鱸根。多時絮袍難掩骨。晞髮喜近扶桑
 暎。天公恠猶染貪着。積雪煉骨冰縈魂。閉汝呼吸守橐籥。旋
 機內視心光存。身形要使清似蜜。橋邊不數堯年尊。固宜山

肩聳危坐。那用僵臥袁安門。况今諸餘儘擺斥。暝魚枯磬棲
 禪閣。壁角屹立凍蠅墮。臺畔噤語飢禽蹲。馮生苦寒揔一例。
 非汝獨酷奚煩論。愧萌忽發已汗背。須臾腰脚回微温。乃知
 物態隨自取。淡由鼎淡崇仍崙。空中有火本暖熱。畫寫雲漢
 詩賁渾。癡情尚覺未全瞥。噉棧私乞陽鳥恩。三竿速放泥滑
 徑。青鞋欲踏梅花村。

擬唐人試帖十首

暇日閱唐試帖自出籠鵲昆明池織女石諸名作
 外輒指以為平庸悉力求似去之轉遠乃知古賢
 未可輕議也王維山論制義其道亦然能先
 抑其矜氣則於揣摩思過半矣天如柳葉之落

金在鎔擬白行簡

葉之淇

堅質還能化洪鑪。鍛豈難披精全賴。火望氣只疑丹。泛出紅
 霞片。浮來赤玉盤。正須成巨器。慎勿逐輕丸。榆莢窺囊澀。菱
 花照膽寒。何當大冶手。一試鑄錫看。

臘後望春宮擬林寬

陸奎燠

青陽初破臘東望可憐春近額梅曾落舒眉柳未勻雲紅低
北極宮紫簇鈎陳拂曉蓮沉箭餘寒玉覆塵驪山空插漢漣
水自縈秦稱意輸苔草天家雨露新

南至日隔仗望含元殿鑪煙凝崔立之

李旭

葭灰飛應律來復一陽初閭闔開仙仗鑪烟繞帝居日升紅
霧合風定紫雲舒縹緲凝金錢氤氳冒綵旛鳳樓瞻杳杳螭
鼎噴徐徐彬雅慙荀令香分兩袖餘

玉音如樂擬潘存實

陸邦烈

素壁含貞性鏗然韻自賒剖荆豎在骨和郢羨無瑕未許裁
環弄祗應琢笛誇丁璫金作侶清潤賈為家定協鈞天奏翻
令抱璞嗟太音誰復嗣竹肉沸如麻

山出雲擬陸暢

劉宸

佳山淡日夕雲氣望中浮斷欲棲松頂橫看度隴頭遙尖封
夏露群峭鏤逾幽窈窕曾通夢蒼涼易感秋天空心自遠潭
碧影難畱願結閒吟伴陰晴倚小樓

曲江亭望慈恩寺杏園花發擬曹著

陸載崑

水亭供眺望文杏綴禪關不少金閨彥頻來玉筍班一枝墻
外艷千朶塔邊殷香氣迷遊屐紅光醉旅顏馬蹄得意疾江
岸討春還簪帽誰年少風流泥小鬟

河鯉登龍門擬元稹

葉之溶

久慙居濁水近喜接蛟宮鼓鬣朝翻浪噓雲夜躍風
又占自合九子化應同季免書緘素寧愁額點紅踰時險阻釋驀
地葦流空竚聽春雷發為霖翊歲功

觀淬龍泉劍擬裴夷

劉 烜

初出豐城匣龍文一望迷刮摩須赤土犀利斷金猊色燦芙蓉
竝光寒霜雪齊照人明似水切玉快於泥矧發袁公怖囊
開鬼母嗑匆匆攜上馬知向雁門西

日暖萬年枝擬郭求

沈 垸

曉色卸晴景紅輪映翠柯好春歸上苑奇木借陽和披拂隨
風夕光華信日多星街凌玉李月殿傲杪穠艷花如笑菁

蔥葉有難諾何切薰絃彈一闕復旦喜賡歌

內出白鹿宣示百官擬黃滔

張培源

白鹿千年瑞儵然異衆形百司欽素質三殿散光熒角際應
呈字毫間不露星色能輸鶴皜品可傲獅青隔仗搖銀戟鈎
簾妬玉屏宮花誰護惜銜出最精靈

雪後集再珠樓

陸王孫拈得十蒸

雪花滿尺凍雲凝此景湖涯見未曾淡夜白來猶可照新春
高處也宜登酒裏落落如中散畫手疎疎近右丞隔水何人
吹鐵篴柳邊紅鮑小漁燈

李 旭拈得一先

半幅輕帆漾碧鮮起看積雪遠瀰天銀墻一帶迷蕭寺白霧

漫空失釣船水鳥乍飛衰草畔梅花多在小橋邊相期日日樓頭醉若到春殘事可憐

陸邦拔

拈得四豪

宵作雪寒如此一上珠樓氣復豪
墮地覺風高枉將梔子呼禪客
特為梅花愛水曹
僵臥有人呼不起船迴試與訪南臯

襄松在兄

上元集字

陸邦烈

皎皎圓蟾色花魂近接眉
恰忘銀箭永豈倦錦袍
馳鳥憶嗟香陌風教弄翠漪
觀燈儂復爾戲寫舊遊詞

劉宸

良辰兼勝友及此二難并
寶鼎煙籠袖螺筵酒滿罌
山廊歸語燕老樹放竒英
抱渴吾真懶無心賦碧城

陸載霍

不料傳柑節冰輪遽掩光
一簾沾雨溼昨歲卜星藏
興盡非關醉春迴已減霜
蓉牋書艷句畱贈大堤倡

蹋燈詞

潘應奎

元汴家傳是畫師生綃寫出一枝枝
剔煤差不供時好屈成
屏風有料絲

風流曾憶廿年前小閣疎簾坐亞肩
雪色銀匙官樣錢
泥我薦燈圓

陸邦揆

鐙船啣尾艤湖涯煙月樓臺夕夏佳
一片箏聲來隔浦却疑人在小秦淮

沈峽

高園翠竹慢青油。腰鼓群兒闕未休。可是姮娥嫌艷色。故呼龍子浣星球。

葉之淇

簫鼓聲中不夜遊。紅燈綠醕結朋儔。那知別有梅邊月。肯與幽人伴茗甌。

陸邦烈

鶴生九子開羅幔。毬滾雙丸絢燭房。月午盡歸燈市闕。謝家庭院易蕭涼。

採桑堯子晚粧。優花勝香囊。隊隊妍我欲畫圖圖未得。可憐人在奈何天。

曾向琳宮踏月輪。情瀾無岬了無因。阿師此度圓茶夢。紙帳寒灰也着春。

汾湖歌裛鐵笛仙

沈崧

鐵崖樂府紛流傳。擺脫尋常陌與阡。亦有脂粉污天然。意氣上拍青蓮肩。訕者一二師。百千尋。詩繫艇汾湖邊。汾湖之水清且漣。賓客弟子來。褊褊翠巖嘉樹相盤旋。一條寒鐵七孔鐫。清江作弄聲淵淵。珠簾金粟舞態妍。椰子美酒換萬錢。先生大醉乘船眠。華陽鶴氅巾衣偏。仰天捉月月。亭川蟾蜍口吐真。珠涎魚龍踴躍波。洄漩琴高聞歌欲扣舷。鄰舟候以仙爲顛。詩卷淋漓四百年。茶陵摹擬扶真詮。婁江評隲詫空前。休誇落紙如雲煙。却羨睥睨東維顛。淮張太尉虛招延。白衣不受白衣宣。皇帝書徵辭謝堅。嗚呼至正老婦何其賢。至正老婦何其賢。

陸邦拔

詩人不失詩人志。玉潔珠光天所丹。三十三字采薇歌。到今

淳淳有生氣典午處士義熙年粟一里行吟義炳然元明之際
一老婦鐵骨至死不受憐我遊汾湖覓舊蹟衰柳長蘆浸淡
碧雁聲嘹唳白雲端漁歌欸乃紅燈隙想見伊人一笛風昇
天入淵驚潛龍若以靡靡謂鐵體虞山斯論未云公

陸升爨

汾湖湖水光溶溶中有奇氣連吳淞直是南唐鍛就莫邪血
星鑽七點橫寒龍鍊崖老人心似鐵乘興來作春遊客釣雪
能容八九人珠簾金粟相娛悅湖邊主人亭臺開翠巖嘉樹
無氛埃真珠亂滴瑪瑙栴呈以鍊截尺八之奇材道人清江
試一弄三月汾湖水欲凍老蛟怒立栖鳥鳴座客掩面多含
慟吁嗟鐵遂流落數百年古塵繡體斑斑然不遇知音生死
變至今管竅凝蒼煙道人攜笛仙可擬龍精俛首宅再徙不
見湖中一片雲夜夜腥風吹不起

論詩口號

陸奎敷

曾檢東阿尺一書浪誇七子盛黃初隆中有客吟梁父却是
曹瞞結網疎

客兒春艸情何限水部梅花致不群。便爲丁娘歌十索可能
瘦盡沈休文。

金粉南朝百不畱亂鴉唬破白門秋。蕭郎夜夜敲銅鉢隻語
何曾入選樓。

內史才多積玉同綠情一語破矇聾。松陵已悔牽詩艇肯學
龜堂老放翁。

畫眉深淺太論量野火春風自激昂。哲匠幾人能致客不關
十五嫁王昌。

日下浮雲掃不開夜郎銷盡謫仙才。早知逗漏金元舞小令

秦娥莫唱來

劉仔鉅

彭澤歸來作醉民。鉛華洗盡露天真。陶詩即是花源境。未許漁郎再問津。

甫里先生一釣船。寰中物物受雕鐫。縱然不作黃巢識。誰信皮詩在陸前。

老住孤山絕點埃。閒雲一片雀飛來。曾傳雪後園林句。終古無人敢賦梅。

左丞溫雅紀恩頻。松雪風流被寵新。蕭冷獨存高士集。是難一例比元人。

陸邦烈

少陵自是詩中史。太白星精占一時。可惜王楊呼四傑。此間無復說妍媸。

長慶齊名亦太慚。鷄林國相未全諳。屏中貌取香山老。可信追風屬渭南。

峭刻河東關一家。文公斗望未應誇。劉郎莫負詩豪甚。換得癡兒幾斛沙。

六一眉山兩擅場。戛然韻學等文章。石湖才小標新異。不及祁門半部強。

馮幾

硬語盤空橫九秋。也須蘊藉出風流。詩篇若不因人廢。介甫精嚴品最優。

道學裁詩太腐生。考亭于此獨神清。試看活水青山詠。具有鳶飛魚躍情。

先生懶下讀書臺。落筆俄驚風雨來。三月武陵花似錦。橫吹鏡篋壓群才。

墨守于鱗塗澤忙。冠裳雖具性靈亡。公安却把塵氛滌。又爲鍾譚作濫觴。

陸載崑

有元巨擘數遺山。一卷中州不待刪。雕本于今仿成例。詩中有史話其間。譚掃菴先生選其間集

別館三年畱庾信。穹廬萬里帶蘇卿。燕南壯士江城客。淒斷樓頭聽角行。

美人格調擅簪花。召試曾蒙天語誇。爲報邵庵虞學士。年來新婦亦成家。

才子從來生孝筍。雁門寔產薩家兒。秋園摘果開春盞。壽母能歌翫月詩。

吟衷如偈亦成詩。仲舉才名洵不羈。比似放翁人更放。長街掉臂畫簾垂。

前身不是小乘僧。名士風流屬阿瑛。一朵瓠花雲作夢。玉山佳處笑吹笙。

陸升爨

風情麗逸瞿宗吉。合與廉夫共一龕。歎息保安燈火夜。更無人唱望江南。

隴右才人太作顛。風流一派倩誰傳。竟陵亦解空同出。只有真詩邵二泉。

醉臥山亭譜竹枝。趙王雅愛茂秦詩。空餘沙麓山頭月。一曲琵琶慟賈姬。

松圓來往耦耕堂。挾摘前賢洞肺腸。若擬溪南辛老子。虞山引例亦荒唐。

張培源

廉訪穠纖亦寡儔。侍郎清雋夏風流。張徐一槩推吳下。俗眼

無分虎與彪

弘正裁詩附和多出奴入主各相訶特開手眼標風骨少谷

山人肯墮魔

六如著作本天真語涉酸寒未厭貧却恨風流多薄命桃花

一塢了無春

艷詩合作數金壇彷彿唐人李與韓最是銷魂無那句白衣

裳凭赤闌干

陸大復

故國飄零事已非袁家白燕唱新詩陡然換却悲來句點鐵

成金未可知

用修詩草本茶陵醉墨畱題精白綾晚歲縱然多別調不隨

此地作先登

垂老原知少作非舟州遺恨杳難追蘭溪却笑胡元瑞還奉

卮言是本師

明月小橋關盼盼垂楊淡院李師師何人解識鄔公子一卷

纏頭艷體詩

沈峽

中盛唐籤一邑中滁州宮諭各家風今人不薄古人愛貴趾

賡筇二老翁

帆青大有倚樓句客子工為八詠詩洗太攬生元白累一牀

紅豆付麟兒

三十一

洛如詩鈔

洛如詩鈔第六卷終



